

四庫全書

史部

欽定四庫全書

浙江通志卷一百七十

人物三

循吏四

金華府

漢

楊扶金華先民傳字聖儀義烏人爲武源令遷交趾刺史所至皆有恩惠州人爲之謠曰楊聖儀政

多奇

張敦

浦陽人物記字伯仁浦江人爲諸暨令海寇二百餘人剽掠爲患悉平之轉重泉令民悅其化

累官至車騎大將軍

駱俊

三國志駱統傳注統父俊字孝遠烏傷人有文才幹少爲郡吏察孝廉補尚書郎擢拜陳相

豐稔

值袁術僭號羣賊並起陳與比界奸慝四布俊厲威武保疆境賊不敢犯養濟百姓災害不生歲獲

陳修

傳詳介節

韓晏

金華先民傳字德茂東陽人舉孝廉起家爲永寧令遷張掖太守後爲河南尹所至以仁惠稱

南北朝

朱幼金華賢達傳字長明義烏人歷遷揚州刺史兼
度支使治揚有功人歌曰朱幼渡江東民安盜

空賊

唐

厲文才

金華先民傳東陽人貞觀初爲道州刺史是
時南土未靖荔浦之寇猖獗掠境文才臨郡

期月羣盜悉平威愛甚著
改容州刺史未幾辭歸

宋

王師愈

萬厯金華府志字與正金華人紹興戊辰進
士乾道中除金部郎官召見言事御札俾條

奏嘗稱其有諫官才尚書楊俊陰附執政欲督諸
郡積逋以償內府貸銀師愈以爲罔上擾民持不

可罷知饒州後除浙江提點刑獄丐祠卒其爲政仁恕而綱目整齊所至賑荒裕民懾騎兵擒妖賊皆卓卓可傳朱子爲作墓誌稱其有本有文德望隱然爲東州之重

范溶

金華先民傳字茂實蘭谿人以祖任爲太廟齋郎歷權通判饒州練熟吏事決讞詳明三爲刑

官再治邑皆以平恕稱

徐良能

傳詳介節

潘燾

金華先民傳字無愧蘭谿人以祖任補官仕至廣南東路經畧安撫使其權知邵州日朱子安

撫湖南與周必大聯章薦之稱其以問學持身以文雅飭吏政先教化固固屢空雖湖北猛寇犯邊而處置得宜民用安堵其爲大賢所稱如此

喬夢符

金華先民傳字世用東陽人淳熙二年進士知歙縣有大遼當水衝居民歲告霖潦夢符

爲築堤鑿渠人免水患號喬公街後除大理正奉旨鞫郭倬獄於宿州不畏權勢進監察御史

孫杓

金華賢達傳字居敬東陽人淳熙十四年進士累遷太學正奏對慷慨亟蒙褒獎進監丞會京

尹辱武學生不以其道杓抗疏力爭不報遂請外知漢陽軍尋知黃州憲湖南所至皆有善政仕終

兵部郎官

石範

浦陽人物記字宗卿浦江人紹熙元年進士調奉化尉歲飢貧民將爲變範賑之不誅一夫而

定遷知婺源縣縣有月椿錢二萬皆取之民範請蠲其十之二俄權通判袁州峒獠弄兵袁當其衝

範攝州事練軍旅廣儲蓄博訪守禦之策峒獠不敢近轉通判泉州卒

潘時

萬厯金華府志字德鄰金華人以仲父良貴任為登仕郎歷知廣州潭州再遷尚書左司郎中

其治郡先教化務施舍至典方面養威持重務存大體有所張弛必先究其利害本末然後出令當自謂吾之為治主於寬而不使有寬之名輔以嚴而不使有嚴之迹惟其綱維總攝而脈絡流通是以坐走羣吏而我常無為也當時號精吏道者無能出其右及卒朱子為誌其墓

李大有

金華先民傳字謙仲東陽人慶元二年進士累官通州通判民田歲苦旱大有相地勢鑿

五狼山石麓引江水入河以溉之自是歲大稔而商船亦竟遠城下為通州無窮之利攝郡事吏持案白事例錢合自支送大有判曰有例可送無法可支悉却之改太常寺博士卒於官

劉邦光

呂祖謙劉邦光墓誌字國華武義人知湖州長興縣歲惡發圭田之粟為民先夫人亦脫

簪珥爲粥以食餓者終知沅
州安靜不擾歿而人有餘思

康植

王禕康植傳字子厚義烏人嘉定七年進士授
奉化縣主簿歷遷國子正改通直郎輪對言事

抗直忤喬丞相行簡意差通判廣德軍救荒有法
陞知本軍以治最聞除浙西提點刑獄劾奏平江
守臣史宅之治郡無狀宅之兄嵩之時爲丞相并
連及之疏入理宗怒欲重罪之知樞密院杜範爲
之極諫乃徙宅之隆興而植提刑福建改知寧國
府兼權江南東路提舉茶鹽義倉奏免和糴行經
界法除都官郎中出知吉州改福建路轉運判官
兼攝建寧府賑水災拯鹽弊政惠大孚赴闕奏事
卒於建
溪驛

潘友文

豫章書字文叔婺州人開禧間令永豐政尚
寬惠推誠撫民時役法弊所在破家友文曲

爲均調使不困
去官民爲立祠

胡巖起

金華先民傳字伯巖永康人嘉定甲辰進士知閬縣廣帥真德秀雅敬重之爲江西提刑

司幹辦公事值贛卒朱先嘯亂殺提刑使者巖起相度事宜佐新提刑陳愷密授方畧遂平其亂贛

人作平贛
錄紀焉

樓大年

宋濂樓大年傳字元齡義烏人從鄉先生徐僑遊僑朱熹弟子故大年長於性命之學登

嘉定癸未進士知隆興府南昌縣爲治先教化建利去病若嗜欲然遷奉議郎通判吉州提點刑獄

李迪以大年廉慎命錄一道滯囚大年隨重輕而疏裁之抱成案就迪言成聽未幾攝郡事江東大

姓查氏以父遺書據幼弟資產幾六十萬弟長訴之州縣歷二十年不解迪曰非清白吏如大年不

足以究此以事下大年舉張詠決子婿爭財故事
爲例人以爲允歲終吏以公帑錢粟羨餘來白曰
此公券內物前官具有例大年斥之以充軍餉尋
陞朝奉郎初理宗降訓廉恤刑二詔大年因撫古
之可法戒者二百事疏
之闕心偶錄藏於家

許子良

宋濂許子良傳字肖說東陽人嘉熙戊戌進
士用宰相喬行簡薦監鎮江西酒庫前此贏
羨率自入子良不納以歸公家遷知晉陵縣版籍
紛亂官賦多放失子良爲稽逃亡考隱漏催科定
錄條序桀然改宣教即知都昌縣庫藏赤立于良
節縮浮冗兩年之間供輸有餘轉承議郎差幹辦
行在諸司糧料院有旨俾閱滯獄八十餘子良爲
繕案一一讞之雖累歲不引決者一旦曲直皆白
進太學博士請外出知台州節縮如都昌凡典例
所宜得者亦謝去居半載即計裕如叙朝散郎卒

范士表

金華先民傳字叔端蘭谿人丞相鍾從子也嘉熙戊戌以別頭試登第歷官爲衛倅適郡

民有嘯衆爲亂者守懼委印去人情大震老幼星散士表攝郡事協僚佐集籌畫爲守禦計益兵誅

討旬日元惡就戮郡賴以全

黃夢炎

金華賢達傳字子陽義烏人淳祐末登進士第入淮東制幕主管機宜文字建議蠲放屯

租邊民以安業判平江府擢節浮蠹白免淮西總領累歲所索無名錢咸淳初除司農寺丞輪對力

陳時弊請減浮費戒宴私度宗嘉納累遷戶部左曹郎以朝請大夫致仕

元

蘇友龍

字源蘇友龍墓誌字伯夔其先居眉州文定公轍之子遲知婺州因家金華遂爲金華人

以才推擇充府吏趙郡蘇天爵來叅江浙省政挽
之入省蘄州紅巾構亂陷於潛昌化犯杭州省臣
皆遁叅政樊執敬以死自誓友龍說樊曰明公以
身死國義則得矣如一城生聚何今城中兵不下
數十萬公庫金帛以萬計與其委諸盜賊曷若募
民使戰戰而不勝死未晚也樊不能從迎戰而死
友龍與掾李樞謀以蘇李署號召民殺賊殺一首
受錢二百五十緡民持刀爭奮獻馘充庭未幾辨
章復杭州友龍絕口不言功考滿擢紹興路蕭山
縣尹蕭山民詭名匿其田賦科徭不能均一友龍
令其自實田輯爲冊書凡有徵發皆視書重輕之
兵興以來縣糧輸衢處二州民憚遠征往往皆屬
吏吏並緣爲奸糧不時集主運者妻孥恒坐繫友
龍釋之而罪吏期月咸足且爲立法每鄉置督運
一人促民各以糧赴江濱仍驗糧多寡賦錢餉舟
以行民大便之會歲儉弛湘湖之禁以利民不足

故常平倉以活餓者僚屬沮之友龍曰發天子粟
活天子民有何不可儻有譴責吾自任之民賴以
生改本路總管府經歷行樞密院照磨張士誠據
姑蘇請爲幕官恥之不就陞行省左司都事舒穆
魯宜孫分省于處以討賊自任請友龍與劉基同
事勸其禮賢下士撫流亡招羣盜從之衆心翕然
明兵下浙東李善長欲奏官之以
年老力辭歸金華山中卒子伯衡

金德潤

宋源金德潤墓碣字君澤浦江人年二十餘
游湖南入憲府補書吏久之擢常州路宜興

州判官州多盜德潤閱盜冊察其尤畧狡者鈇左
右趾役於官三年之間外戶不閉改嘉興路總管
府推官屬歲大水禾不登其壯者羣詣富人貸粟
弗從竟囊之而奔諸聚落皆然縣州生以強奪案
且具德潤原其情悉傳以輕典脫死者六百人
民感泣拜而去以紹興路總管府治中致仕

胡長孺

傳詳
儒林

王肖翁

王禕王肖翁墓誌字傳朋金華人起家衡婺二郡儒學錄泰定四年除海道都漕運萬戶

府知事海道歲漕東南百萬之粟供億京師以軍興法從事海其任至重自漕帥至僚吏率以選居肖翁居幕中三年上下克協漕事訖辦重紀至元二年轉嘉興錄事適歲侵部使者檄行視田肖翁爲具實以聞得免荒租數萬石他州郡有奸利事部使者悉以委決無不當者以松江府判官致仕

申佑

王禕申佑墓誌字君佐金華人天厯初用御史舉署餘干州儒學教授修學宮養士類翁有聲

譽調平江路錄事判官適歲大侵白大府願以勸分爲已任諭巨室移粟他郡食餓人全活者衆奸人羅甲收良家女百十人抑使爲娼因交結權貴邀納貨賂佑廉得奸狀卽白發之坐甲重罪還倡

女良家遷德興縣主簿縣西五里有溪控驛道其
流湍悍涉者病之佑相其宜爲浮橋以鐵絙繞舟
上用濟不通買田予守橋者俾以爲繕修之資民
便之名橋曰棲鸞渡曰申公刻石頌之以遺永康
縣尹
致仕

明

吳履

宋源吳履傳字德基蘭溪人元季教授鄉里名
重一時國朝取娶舉爲南康丞南康俗悍德基

以寬化之視民如子民有訴召使前與語弗加咄
叱民或援丞裾相爾汝弗責也有徵調召其大姓
生廡下善言誘之聽人人自說便否由是民愛丞
如父而吏自不能爲奸去知長沙之安化其土豪
多糾民爲兵後盡降萬夫長易俊原獨恃驍勇與
麾下數十人遁入山谷保險自固郡邑患苦之江

陰侯吳良承詔求餘寇兵且召履計事履曰易氏未有反狀奈何激之使生變乎不若先以計致之果反用兵未晚也侯曰令之言然兵止不發既而盡致其麾下惟俊原一人度兵勢孤詣軍門請見遂縛送京師民安堵無擾擢知萊之濰州山東民願以羊牛代秋稅官從其言履與民計羊牛有死瘠患不如納粟便獨收民粟他縣牛羊送陝西民驅走二千里皆破家郡以難獨完令役千人部送鄰縣牛履曰有牛家送牛雖勞不怨使人代之脫道中牛死誰當代償耶力爭不奉命履爲吏以愛民爲先當有追需于民不務速辦稍緩期約故物價不湧民視他所費恒減十二三所至民樂其簡易居二年會改濰爲縣

召還至京師遂謝事歸

鄭澍

方孝孺鄭澍墓表字仲持金華人洪武十四年奸人誣告其家以交通賊臣事甚危而澍兄濂

先以事在京師吏逮捕急湜自詣吏請行至京濂
曰吾家長當任其罪湜曰先年耄弟當任其責二
人相爭入獄太祖聞而赦之拜湜爲福建布政司
叅議吏民熟其家聲相戒弗犯南靖縣民爲亂註
誤者數千百人部曲多掠其婦女爲奴湜言于諸
將縱遣去兵不敢譁劇盜殺人在獄驗屍無有不
肯承湜夜取盜鞫訊因縛置于庭匿吏案下俾聽
其語夜半盜顛庭空無人果私語始知其沉屍井
中明日詰盜以沉屍處盜驚
伏闕人神其政後以疾卒

謹按明泳化類編云湜先世有純德六世同居至
湜已傳十一世矣詳見義行傳中而其政績表著
如此秀名山藏所載似
畧故特從墓表採入

李希明

金華先民傳字濬文東陽人父唐從許謙遊
潛心經史希明夙承庭訓于問學多所究通

洪武中舉孝廉入太學舍選第一授伴讀侍太宗於潛邸從容輔導甚被禮遇進江西左叅政時陳友諒餘黨依險縱掠朝廷將出師勦之希明奏乞先招撫不服與師未晚從之流民爭先來歸卒以安業擢刑部侍郎卒

朱文

萬歷金華府志字悅道義烏人洪武六年舉明經知星子縣奏其縣山高風冷春意來遲艱於采茶上可其奏遂罷茶貢後陞贛州府同知盡心撫綏贛民祠祀之

何士英

金華先民傳字子文東陽人永樂初知平涼府編氓相慶以爲得慈父母會主者較郡庠

虧數千石士英方自勅民爭輸之如數考滿陞兩淮鹽運使先是民苦部差督鹽課者所至苛擾及歲課孳生馬駒賠納不及士英一切奏罷之後致仕歸

諸葛伯衡

萬曆金華府志蘭谿人洪武初授趙州吏目州建峰廟有青蛇惑人凡八人家必有

禍伯衡殺青蛇罪正者民以不惑以薦名問治道對以聖明之世紀綱正而法度修民皆安業但廉恥之道輕耳上大悅擢陝西叅議以道途遠近定轉輸之法民甚便之

董仁仲

分省人物考蘭谿人洪武中知莆田縣蒞政精勤而持之以公民大悅後卒於官貧不能

歸葬民相與營墓於邑之西劉山

傅揚善

萬曆浦江縣志字大有洪武丁丑詔天下郡邑選用明經練達治體者有司以揚善應廷

試稱旨授漢陽知府至任逐師並毀淫祠鞭扑不施而事治靖難時謀倡義事洩謫雷州漢陽士庶詣闕上疏借留遂命復守漢陽歲侵漢邑俱患蝗揚善作文移城社蝗皆飛入漢江化為魚蝦人稱

具云

邢旭

萬厯金華府志字景陽金華人永樂進士累官河南叅議適歲旱澇修舉荒政民賴以安正統

初陞四川布政撫養軍民恩威並著土司王永壽董敏失和治兵交攻朝廷遣帥討之旭即身詣其寨諭以禍福皆釋甲待罪請遣子入質進馬謝恩尋致仕卒蜀人立碑成都三公廟祀之

章聰

萬厯金華府志字俊民金華人永樂甲辰進士宣德二年拜監察御史彈劾不避權貴陞廣西

按察使奏徙南丹衛治於賓州奉議衛治於貴縣士卒免煙瘴之患議置巡司於潯梧柳慶要害之地民免團軍之擾

陞右布政使卒

潘璋

金華先民傳字秉夫金華人由進士任工部主事監稅荆南有冰蘖聲陞四川提學僉事作興

士類尚書周洪謨謂全蜀之士仰之若山斗愛之若父母

馮傑

萬厯金華府志字孟英金華人永樂中貢入太學授瀘州判官佐政廉平民蠻從化正統中薦

陞監察御史巡福建奏減銀課巡兩淮奏寬鹽禁景泰初廣東盜起福州縣騷動朝論以傑歷練老成陞授按察使隨方撫捕未幾盜平致仕歸

謝忱

金華先民傳字惟壽永康人永樂壬辰進士授監察御史遇事敢言出為巡按詰奸禁暴無所

假借人稱謝閣王陞四川按察司僉事歲歉民多抵法忱憫之為求可生之途適地方多虎患示以得虎皮三者免一命人爭捕之於是虎患息而民命以全卒於官歸葬之日行李蕭然

杜瑄

萬厯金華府志字李璋東陽人永樂初由鄉薦入太學授兵科給事中陞廣東按察司僉事治

獄平允嘗巡海道遲卒獲賊船內四十餘人俱饑困濱死議者欲棄於海瑄曰不可恐誤無辜也令飲食之明日俱甦詢之乃寧波追賊軍艘遭風飄溺南海耳遂移文遣之陞陝西副使以疾乞歸

朱勝

金華先民傳字仲高湯溪人由舉人授刑部主事累陞知武昌府調蘇州府所至多善政蘇人

歌頌德政十善流傳中外奉勅褒嘉起授江西左布政使卒於官

趙年

萬厯金華府志字有年蘭谿人成化乙未進士授行人屢奉命行祀事於諸王府凡餽遺一無

所受在陝西值歲大歉減廩餼爲藩臬諸臣倡以賑民飢陞工部營繕司員外監本部廠宿弊除草殆盡中貴憚之差監蕪湖木稅歲積羨餘且萬金悉歸之公帑代還管理五城九門事執法嚴正不可犯人目之爲趙鍊面轉都水司郎中適中貴有希旨於衢州府織造金龍絹者業已成年聞之即

抗疏極言不可上允其奏自是中貴伺其闕失弗可得誣以鬻所乘馬多索價值竟坐除名

陸敬

萬厯金華府志字溫夫蘭谿人由舉人授萬載知縣後調大庾遇事堅執不爲詭隨處劇繁以

簡靜愛民禮士敦雅有古風陞福建漳州府通判去後民恒思之

謝愷

萬厯金華府志字舜卿義烏人由歲貢任叙州府推官操履清介訊鞠明允弘治戊申蜀大歉

奉勅賑恤多所全活時盜賊縱橫愷招徠安集之民大感悅撫按交薦於朝命方下以勞瘁卒於官

章僑

萬厯金華府志字處仁蘭谿人正德丁丑進士授行人擢禮科給事中劾閹幸蕭敬茂景賢等

宜疎斥爲弭災首務尋遷衡州知府歷廣西河南按察副使未幾督學山西累官山西右布政使以

禦敵有功晉福建左布政使夙夜勤政不避災瘴以疾卒於官

祝羽

金華府志字珍卿蘭谿人嘉靖壬午舉人授羅田令縣界萬山中民習獷悍有大猾根株盤固

羽廉知具獄磔于市屬羣盜起白晝剽掠羽密緝為內應者十餘輩移檄徵諸路兵選精銳直搗其

巢百餘年盤踞之寇一旦盡殲郡賴以寧他郡滯獄皆願就羅田請平擢刑部員外郎尋乞歸

唐汝承

金華府志字伯寵蘭谿人嘉靖壬午舉人授應天府通判郡多豪貴隱漏侵匿汝承發摘

如神署篆漂陽有兄弟爭產互訐導以義感而相讓調順天通判霸州盜發奉旨署兵道事勦撫有

功擢常州同知視府篆值旱虔禱嘉山雨隨注又先期賑濟多所全活

馮亮

歙徵錄字執夫金華人嘉靖壬辰進士令澗之丹徒吳中諸郡邑素苦白糧解役會歲大侵而

役不蠲亮力請於部使者以贖緩代輸故鄰郡流徙載道而澗安堵如故擢兵科給事中尋陞河南

叅政歲侵極意賑恤捐俸為郡邑倡全活無算尋擢四川按察使按貪墨吏無所假貸尤加意獄事日夕手爰書至達曙忘寢遂以此得疾再請始得歸行至夔州而歿夔守為檢其橐中裝僅餘羨俸數金而已

盧仲佃

金華府志字汝田東陽人嘉靖丙辰進士任晉江令時苦倭患仲佃議城安海居民拒守

得無恙改調福安時邑新破仲佃請兵五千倍道而進繕治城塹招撫流亡倭至逼城中人爭走逃避仲佃示曰吾與若同死守闕出者鈇左右趾民乃止相持三日夜倭引去陞比部歷兵部郎出守成都值白蓮盜起愚民罹重辟者百數仲佃曲為寬宥轉惠潮副使陞廣東布政使復左遷備兵惠潮潮故瘴鄉流民據山寨為訐兵燹相尋突癘大作仲佃諭降諸賊積勞冒瘴卒於官

陸鳳儀

金華府志字舜卿蘭谿人嘉靖丙辰進士任餘干縣請謁不行除火耗絕饋遺歲侵賑饑

全活甚衆遇湖盜嘯聚布誠曉諭盜各解散擢南垣抗疏不避以忤當道罷歸

蔣瑜

金華府志字純卿東陽人嘉靖丙戌進士授鄱陽令值巨浸衝決田禾瑜為築堤延袤數百餘

丈人稱蔣公堤後以御史巡按楚中有叛獄數百人斬關而出瑜授計一夕悉就擒又以歲歉奏免田租之半民祝頌焉

胡僖

舊浙江通志字伯安蘭谿人嘉靖己未進士授刑部主事進儀制司郎中會諸王襲封次子欲

得郡王封僖以制不合持不可王子以數萬金賄大璫互相煽誘僖不為動璫乃授指吏部出僖為湖廣參議楚比歲大水僖廉得虛稅蠲額十之四民感悅陞雲南副使涖滇四載析楊不設囹圄若

洗深山窮谷聞胡使君名輒呼佛子後以忤權要拂衣歸里

王乾章

金華府志字順卿東陽人嘉靖壬戌進士授中書舍人轉山西道御史歷官江西布政叅

議分部九江盜何鳳等恣剽掠以計擒獲江右悉平坐失印去官尋起福建按察僉事時江陵柄政汰藩臬諸司十之三乾章兼視七道事凡所屬獄因多爲開釋福安治環大海颶發溺者數千出金

掩骼又發帑粟賑流殍擢雲南布政叅議以告歸

徐用檢

舊浙江通志號魯源蘭谿人嘉靖壬戌進士授刑部主事調禮部儀制司疏請上親行郊

祀又請太子及期出閣讀書出補山東臬副轉蘇松叅政吳江災民喧擁軍門中丞欲繩以法用檢進曰人有急則呼天呼父母此嗷嗷者是也竟從寬釋丁內艱服闋補福建兵備陞廣東按察使遷

羅占城等國航海商粵衆且近萬用檢設法防之
患遂弭遷河南布政嚴蠹耗以給宗室買學田以
贍貧士陞太常寺卿明儒學案用檢師事錢緒山
然其為學不以良知而以志學謂君子以復性為
學而性囿於質故無事不學又恐就其性之所近
故無學不証諸孔氏益其時學者執心之精神謂
之聖一語縱橫於氣質以為學故用檢云然

王嘉忠

金華府志號全吾東陽人萬厯丙子舉人署
吳興教諭改澄海知縣浚山川築石梁民利

賴焉俗例上元中元日男婦跨彩橋禮佛諸惡少
艷歌謔浪嘉忠毀橋懲其首事者著為令以薦授
評事出知興化取軍民利病榜陳之巨豪彭某以
貲橫鄉邑嘉忠廉得其實立斃於市尋備兵蒼梧
凡有不便於民者悉為除去文網疎畧而貪墨吏
不少縱以忤上官歸

張應槐

舊浙江通志字汝植浦江人萬厯丙戌進士授饒州司李遷兵部主事歷官湖廣叅政築

堤防濬水道水故從楚宮出宮竇湮城中遂苦潦應槐首請之始諸薦紳繼及王宮王怒應槐趨見開諭再三王始悟得竣其功晉粵憲長正己率屬墨吏望風解綬後攝海道條防倭十策上之朝議重用竟以疾卒

趙賢意

金華府志字伯順東陽人萬厯乙未進士理刑邵武邵故稱劇郡宿案山積剖決如流平

反不可勝計妖黨晁天王等勾結海寇為患賢意選壯士間行入賊中以計擒渠魁脅從者皆散益嚴保甲凡不事生業者懲之不少縱四境肅然陞南車駕司轉工部營繕郎特論礦稅之害不報會諸興作一時並舉因上言積例宜破浮費宜節亦不報尋奉命與粵東試事竣時安綿利保等備兵

缺土兵數亂或憚行朝議以屬賢意既
至誅勾連為難者餘悉定以勞疾卒

倪尚忠

舊浙江通志字世卿浦江人萬厯戊戌進士授廣東順德令順稱下邑科第寂寥尚忠日

進士子課藝文取資敏者拔之嗣卽春秋二榜不絕人比之文翁云萬厯中設採珠廠閩使橫甚尚忠下令邑中見有珠厥勾役杖而禁之閩怒欲以疏劾衆懼禍不測尚忠歎曰吾令一邑不能為一邑驅豺虎吾罪較豎更甚力言制按得奏罷採遷吉安府同知以母老致仕歸

樓一堂

金華府志字叔宇浦江人萬厯癸丑進士除工部主事出守瑞州上書御史臺議汰浮賦

十之二民少安遷本省驛傳歷陞廣東右布政攝海道篆盜李之奇數寇海為亂一堂招其黨鄭芝龍令殺之以自贖芝龍果縛之奇在廷僉多其功以積勞卒

金肇元

金華府志字司杓東陽人天啓壬戌進士授徽州司理多所平反歷陞江右叅議分守湖

東置信建兩郡學田以贍士陞副使分守嶺北倡築南安水城數里為居民障陞福建布政司叅政

以父
艱歸

章自炳

金華府志字美舍蘭谿人天啓乙丑進士授行人改兵部主事擢福建屯田叅議請復鹽

屯及清理鹽弊疏通積引晉按察副使時當劉香老殘破後四民廢業自炳與民休息廖監激變人情洵洵炳為曉諭立解散之旋分首從定罪境賴以安尋晉左叅政禁貪墨嚴請謁飭保甲興士類除羨稅杜奸商尤以修練儲備徧戒屬邑未幾粵強發難監軍兩廣運策制勝寇遂平以久滯瘴鄉成疾又值龍南妖人煽衆自炳深入搗其巢卒擒妖叛病增劇嘔血數升而卒

國朝

金漢鼎

鄉賢留祀冊字紫汾義烏人順治己丑進士任涇陽令時差我山多嘯聚漢鼎勦撫並施

不旬日而定鎮兵草蕩派里甲漢鼎詳請改折民便之峪口三白渠分注三原高陵涇陽三邑斗門歲久湮塞漢鼎設渠長按分注時刻立禁約勒碑垂遠歷兵科掌印給事中終養歸

衢州府

三國吳

徐陵

三國志注字元大太末人歷三縣長所在著稱遷零陵太守卒

宋

毛漸

宋史本傳字正仲江山人第進士歷江東兩浙轉運副使浙部水溢詔賜緡錢二百萬以賑之

漸言數州被害卽捐二萬倘仍歲如之將何以繼乃按錢氏有國時故事起長安堰至鹽官徹清
水浦入於海開無錫蓮蓉河武進廟堂港常熟疏
涇梅里入大江又開崑山七耳茜涇下張諸浦東
北道吳江開大盈顏會柘河下金山小官浦以入
海自是水不為患進直龍圖閣知渭州卒贈龍圖
閣待制

周彥質

兩浙名賢錄字文之江山人以進士歷官循
州守治民以教化為本民以訟至庭者先諭

以禮義然後折其是非無不涕泣悔罪
而去蘇軾以默化名其堂官終發運使

徐敷言

兩浙名賢錄字明可西安人元符二年進士
為九域志編修官名對稱旨擢御史覆李孝

壽所勘衛卒獄在廷稱其平除江東運判番陽民
吳氏館客誘其子書不順字持以告并誣其藏甲
朝命置獄數言辨其妄吳賴以全名為吏部員外
郎擢中書舍人在掖垣七年以龍圖閣待制出守
越奏罷貢奉物移守婺
有惠政召至國門卒

毛友

弘治衢州府志字達可西安人少游太學與郡
人馮熙載盧襄號三俊擢進士第崇寧間守鎮

江方臘已殘睦歙監司猶不以實聞友奏言之朱
勔怒其張皇友遂監觀其謝表曰兩郡生靈已罹
非命一道使者猶謂無他陳瓘聞之以書譽
於親舊曰蔽遮江淮阻遏賊勢斯人有助也

汪隨

弘治衢州府志字仲方西安人舉進士守黎州
方宴有以夷獠將襲城告者一刻二至隨色不

動曰吾恩彼必不有犯安知非獵乎尋果潰去曾
孫侍舉中上舍第歷守建昌興化枯蒼惟一篋藏

余服及代去無增益秦檜當軸凡赴闕奏事先納副封待舉已見始錄上封公府即黜知復州卒

江少虞

弘治衢州府志字虞仲常山人政和八年進士調天台學官寇至守倅皆遁去少虞獨率

弱卒堅守兩旬慷慨感激人有死志首射殺渠魁賊遂潰歷建饒吉三州守治狀皆第一

柴瑾

正德江山縣志字懷叔紹興八年進士倅番陽歲饑羣不逞發民粟瑾請賑以常平米郡守難

之瑾曰勢且急當從便宜願執其咎後攝州秦免買芻炭與丁器錢累官殿中侍御史

舒清國

兩浙名賢錄字伯原西安人以上舍第甲科為秀州司士曹建炎初自館職轉對為上所

知歷遷太常少卿時議鬻命婦封號清國謂若爾倡優妾媵皆得為命婦矣事遂寢權中書舍人以

議論不合奉祠者六年起知道州政務寬大民徭便之秩滿請祠卒

元

孔濤

黃潛孔濤墓誌字世平先聖之裔南渡初徙衢州濤舉泰定元年進士授吳江判官歲饑民多

事剽掠濤設計捕致數十人謂此皆迫於凍餒而然不可以盜論杖而遣之州瀕太湖故築埭以禦水繕修無時病民特甚濤為改作使可支久鄰州饑憲府俾往賑之全活甚衆舉治績為諸州最調桂陽州判官天大旱濤探獄有冤出其無罪者三人乃兩廣寇竊發濤獨任軍旅供億民不擾而軍食無乏絕遷潮州路總管府知事歸卒

明

徐珪

兩浙名賢錄字良璧開化人以會試乙榜授唐縣教諭擢令羅源治為諸邑最陞欽州守欽民

以魚為業前此賊繁而魚徒珪反
其政魚復還民建還魚亭以誌之

江玉

龍游縣志洪武初以儒士除鄢陵知縣時天下
始定民多流亡玉招撫勸諭不逾年復業者五

百餘戶雙泊河溢造橋利涉
盡心學校農桑士民德之

楊添

河南通志西安人永樂中知祥符縣政務繁劇
添處置適宜上下稱便民有被劫殺傷一盜者

羣盜移尸置他處去明日被刦者白於縣添蹤跡
得尸置仁和門外誘人認瘞時一人識為王氏子

遂拘王妻訊之果得
羣盜姓名捕獲殆盡

嚴祿

縣徵錄字伯宜開化人永樂初用薦授閩縣知
縣閩賦舊倍他邑民不堪祿力言於府平其賦知

民賴之改知黟縣愛民如
閩尤薦意興學卒於官

徐壽

西安縣志字彥清永樂丁酉舉人令吳江有政聲寬嚴並濟捐俸造橋民名徐公橋

何永芳

兩浙名賢錄字廷蘭常山人永樂辛丑進士授邵陽縣知縣持身廉謹勤於撫字期年大

治名拜監察御史出按山東暨直隸蘇松常鎮所至明憲紀以糾奸慝貪墨望風解綬時倭寇東南邊海諸邑日受焚掠永芳嚴為之備倭不敢犯朝廷降璽書褒諭復按江西風裁益厲豪右為之斂迹少保于謙察其才薦陞河南按察使施設適宜民懷其惠尋致仕

宋玘

衢州府志字玉成開化人永樂中以貢為刑部主事治獄詳明出為雲南澂江府通判有土官

爭襲賂以白金三百玘却之民有訟水利者久不直玘為釐正秩滿告歸與侍郎吾紳建通濟橋於

縣東

楊儀

西安縣志字彥禮添之子登正統舉人知鄧州民有爭訟者必諄諄勸諭使相感悔不得已然

後用刑在任未久卒

鄭佑

常山縣志字孔佐景泰辛未進士擢廣東道御史臨川郡王父子構怨命佑察之為調處其事

曲盡情法歷陞福建按察副使汀州民聚為盜佑單騎直入其巢諭以禍福賊即解散頃之復叛佑設計擒滅威惠大行以考績過家得疾卒

虞鐘

弘治開化縣志天順丁丑進士授刑部主事歷陞吉安知府處己儉約居官勤慎本府舊徵引

錢無藝鐘下車初即革去三分之二著為定例

許坦

衡州府志號恒齊開化人成化丁未進士知甌寧縣有惠政陞工部主事管理山東河道疏導

有方改刑部員外陞廣東兵備
劉瑾用事求賂不聽移疾歸

謹按舊浙江通志
坦作旺未詳孰是

周洪

衢州府志字大猷西安人弘治庚戌進士知易
州易俗剽悍洪以文學化之招撫逋亡存恤鄰
附增戶口三千有餘陞南工部主事轉刑部郎
獄明慎有州官為怨家所誣者冤滯積年洪訊出
之出知安慶府平反枉抑掩
捕寇盜以廉能著尋卒於官

陸郁

傳詳
介節

方豪

衢州府志字思道開化人正德戊辰進士知
山縣有異政民有積逋特疏奏免陞刑部主事

誅武宗南巡廷杖幾死世宗即位命審錄山
東咸稱平恕陞湖廣僉事進副使以終養歸

祝品

萬厯龍游縣志字公叔以進士授刑部主事是時武宗久不視朝日遊幸西苑信任權貴朝士

籍口品與同官應大猷上疏直諫上怒逮獄尋貸之直聲大振陞廣東提學副使復調巡視海道茂

名古兜兩山賊嘯聚官兵莫能誰何品為宣諭德威咸相率效順晉左叅政乞歸

陸佐

萬厯龍游縣志字子翼嘉靖丁未進士選桐城知縣縣當兩都衝途供億甚苦佐求民利弊力

為興除籍豪強侵蝕之湖課得千餘緡以甦郵困而餘以給宴士歲為額歷官潮州知府念郡城久圯浚濠修堞已而流兵突刳籍以安堵民甚德之

毛汝麒

衢州府志字伯祥龍游人嘉靖庚戌進士知番禺縣還廣平通判署五邑篆全活饑民萬

計陞贛州府同知賊酋章璉作亂汝麒練兵討平以功加四品俸陞西江兵備道尋告歸

謹按舊浙江通志汝麒作洪
麟嘉靖丁未進士未詳孰是

龔世仰

龍游縣志字惟仁嘉靖戊午舉人任望江令
地饒魚鹽蓄植歲有稅額前令多取贏以十

之五奉當道世仰以為剝民亟裁罷之再徙輝令
輝有五閘灌漑田畝中貴人欲擅以為利世仰力
持不可事遂
寢尋左遷歸

余邦輔

龍游縣志號松野嘉靖辛酉舉人授膠州知
州改鄭州州臨大道使車輻輳邦輔加意搏

節以魁民困又城東賈魯河歲潰決為
民害邦輔築堤捍禦以忤權要去官

徐一櫟

獻徵錄字汝材西安人隆慶戊辰進士知寧
國縣初至却供帳罷里甲斥毆法胥吏數十

人縣以大治調劇丹徒築長堤以捍江縣有官民
田二則官田糧重差輕民田糧輕差重一櫟減官

糧於民推民力於官又山鄉瘠壤沙鄉沃壤請以
山鄉二畝抵沙鄉一畝民甚便之擢吏部稽勳司
主事歷文選司郎中守法不阿有援親故
求善地者一切無所假陞右通政告歸卒

徐日久

衢州府志字子卿西安人萬歷庚戌進士知
江夏縣舊時漕軍兌糧百姓病之日久令民

輸糧於倉而軍從縣官兌又築三堤於江口擢工
部屯田主事改兵部職方奉命行邊邊將馬世龍
喪師失律而行金錢於魏忠賢為之地日久曰世
龍不去則法令不行上疏論世龍忤璫削籍歸里
崇禎初起為福建巡海道撫鄭芝龍斬李之奇沈
鍾斌於海福建遂安陞山東按察使便道歸卒於
家

許堪

萬厯龍游縣志字文可以貢入國學拜監察御
史彈劾無所憚有指揮以外戚怙勢堪按其罪

出知開封府治行卓然
時人以包孝肅比之

鄭學陸

西安縣志字景宣萬厯壬子舉人授大治令

吐不茹羣情讐服政聲大著無何武昌巨寇揭竿
起勢張甚撫軍稔知其有方畧以兵事付之學陸
率官兵練鄉勇出奇撲剿前
後擒斬無算積勞成病卒

余國賓

衢州府志字叔賢西安人萬厯甲戌進士為
刑部主事再陞郎中有縱騎攜妾別居夜遭

盜殺者妻誣妾為刃主國賓寃之尚書不聽令他
主事成獄妾遂死盜尋自首衆稱國賓仁明出知
濟南府簿案填委剖決如流陞易州兵備道歲侵
築室以居流移衆名之為余村轉江西按察使陞
右布政
使告歸

郁有年

衢州府志字國瑞西安人萬歷丁丑進士為工部營繕司郎中疏請緩壽宮興作併請停

功德寺行宮先是嘉靖中修慈寧宮度支四十八萬及有年營費纔十有五萬建潞府計貲六十萬

有年條上事宜減省大半為上所轉太僕寺少卿歸

余懋中

衢州府志字德懋西安人萬歷庚辰進士為淮安府推官開永濟河擒巨盜有功拜御史

巡視海道朱均旺報倭入犯巡撫以為妄將戮之懋中請釋其罪嚴加防禦倭後北犯朝鮮而福建

晏然以懋中為之備也尋轉福建叅議平海浯游兵再定民變政績為一時稱首

王家業

西安縣志字子立萬歷舉人治均州大著異聲嘗諸武當道遇遊僧數十人中有穉僧顰

蹙隨命拘畱衆僧而鞠之乃女隨父宦被僧刳殺而畱之為僧者也審實盡戮羣盜人稱神明

唐思虞

衢州府志字如甫常山人萬厯庚辰進士為刑部主事歷陞松江知府歲荒民糴米以輸

倉每石價值三兩思虞請改半折色省民間銀數十萬又以糧長解戶為收戶縣不并封府不覆兌

民咸便之有金璉者將嘯聚為盜思虞以計散之又擒劇盜三人陞山東按察副使再陞山西叅政

分衛軍為五班五年輪代霍絳二州有大姓橫

恣府縣莫能制思虞治之仕至山東按察使

徐任道

龍游縣志字仁卿萬厯丙戌進士為河南固始令罷民間稅七百餘緡濬均濟河延袤百

里民稱永頻

名為御史卒

徐日曦

衢州府志字瞻明西安人天啟壬戌進士授廬州府推官歲比不登妖賊煽亂舒巢間日

曦單車往諭賊皆解散以不附魏忠賢削籍歸崇禎間起松江府推官治獄多平反視餉海上吐嗟

辦漕粟五萬三吳翁
然稱異績後卒於官

國朝

方元啟

衢州府志開化人順治辛丑進士任直隸南樂令治尚清簡先是民多賠累荒賦逃亡者

衆元啟至會編審因豁免逃亡丁銀六百九十餘兩多方招徠給以牛種農具蒿萊盡闢增戶口萬六千有奇歲荒設厰施粥復建義倉捐穀千石推陳易新以經久遠尋擢戶部主事康熙戊午典試河南卒於鎖院

徐開錫

鄉賢留祀冊常山人由貢生知直隸深澤縣補任河南杞縣俱有政聲遷彰德府同知濬

治水利蓄洩得宜築高平渠引洹水灌田七十餘里家居助修學宮於橋梁道路不時傾貲修造

楊廷琚

開化縣志字帶璜康熙丙戌進士授蘆山令以一子一僕自隨至則興學校課農桑邑遭

明季兵燹冊籍無存豪強飛灑藉以為奸廷琚悉心清釐賦役由是得平時大兵由安雅進平西藏羽檄交馳夫馬芻糧無不應時立辦上官廉其才凡安營設站往來巡警一以委之雖勞瘁致疾未嘗少懈乞休歸士民勒碑曰真去思

嚴州府

唐

李頻

唐書本傳字德新壽昌人大中八年擢進士第再遷武功令時畿民多籍神策軍吏以其橫不

敢繩以法頻至有神策士尚君慶逋賦六年不送悍然出入閭里頻密撻比伍與競君慶叩縣庭質

頻卽械送獄盡條宿惡請於尹殺之督所負不少
貸豪猾大驚屏息奉法縣大治有六門堰者厥廢
百五十年方歲饑頻發官厰庸民浚渠按故道廩
水灌田穀以大稔懿宗嘉之賜緋衣金魚遷建州
刺史旣至以禮法治下更布條教時盜興相椎剋
而建賴頻以安卒官喪歸父老相與扶柩葬永樂
州為立廟黎
山歲祀之

宋

鄭榮

嚴陵志字光遠壽昌人天禧三年進士天聖初
奉使契丹嚴毅威重契丹深敬重之使回真宗

曰使於四方不辱君命今見其人矣授崇寧令父
憂服闋起知衢之西安廉能才幹深得民心旣而
卒於任民護送其喪
立去思亭於境上

鄭彥

嚴陵志字李英壽昌人元祐中進士擢崇陽尉再任青田丞秩滿除真州司戶居官以誠愛為

本所至勸農勉學因民之所利以予之力不煩而功倍民樂其化名授國子監丞卒

洪彥華

嚴陵志字叔炳淳安人淳熙十一年進士涖官治民專務德化其宰茶陵值歉歲悉心撫

宇民無流亡及宰上饒亦如茶陵時真德秀嘗薦之累官至朝請大夫

洪琰

嚴陵志字叔毅淳安人與弟璞同登紹熙元年進士琰主南陵簿攝縣事歲旱官履畝不以實

饑民嘯聚琰從容麾散尋遷盱眙司法青平山盜起琰致渠魁斬之盜即潰散改清江決獄如神人咸服之

胡朝穎

兩浙名賢錄字達卿淳安人乾道八年進士歷武昌令通判嘉興時宰相鄭清之家奴暴

橫朝穎執實諸法移書謝云以天子之命官撻宰相之奴僕罪當避位清之得書以聞帝喜曰得一佳士矣除守岳州兼湖北提刑嚴陵志朝穎嘗以道學不明詞章隘陋慨然自信其獨見而躬行之諸生及門者皆超然拔於流俗之表著有靜軒集

鄭穎

新定續志字茂叔郡人嘉定十五年進士官輒所至輒以最閒守嘉禾以理卿名為言者所沮

且逮吏稽在任出納撻其疵無所得嘆服之後其子璿為大理評事會時相以意嫉邊守下之獄必欲死之穎謂璿曰殺人以苟容如天理何璿奉法如穎教竟以忤歸穎笑曰是足為吾子矣自嘉禾歸竟不復仕

鄭琚

嚴陵志字伯潤壽昌人淳祐間進士授登仕郎景定中為金華尉涖事詳審以能稱咸淳十年

遷安吉州司理叅軍推情治獄人無冤濫
以疾辭歸創義倉建永平橋鄉人德之

徐瑑

建德縣志字文之紹定三年通判袁州歲當大
歉瑑發廩賑恤貧者給錕病者給藥歿者給棺

收養嬰孩至踰百民深德之時版曹以宜春產絹
委市絹萬匹瑑力控免尋擢守建昌邦人咸惜其
去

孫潼發

黃潛孫潼發墓表字帝錫桐廬人咸淳四年
進士調衢州軍事判官有廉能聲家鉉翁詳

刑江左雅知潼發所至輒挽以自隨獄事悉委焉
屬部民有縱火殺人者株連坐繫甚衆歲久不決
潼發探得其情多所平反衢俗好鬪少不相能則
弄兵以相讎殺潼發被郡檄徧行村落戒諭之皆
委刀劒為良民秩滿除御前軍器所幹辦公事宗
亡避地久之乃歸程鉅夫求遺逸得潼發以應詔

固舉
不起

元

王文彪

王禕王文彪行畧字君采建德人泰定丁卯授溫州路瑞安州判官役法久弊文彪為第

其貧富均賦之民大稱便大府因誅之賦平陽役不聞月而畢杭之鹽官海岸崩行省檄諸州遣官修治文彪被檄董其役不踰期而事集宰臣察其廉能辟行省掾史悉除天臨路湘鄉州知州湘鄉界在大湖之表而鄰於溪峒其民獷悍素號難治文彪至一以禮義化之作為條教約民共守三年信義既明威惠並著克頑之徒更相教戒習為善良治行於湖南諸郡最以年七十致事歸民庶攀畱填塞道路號泣而別

汪汝懋

戴良汪汝懋墓誌字以敬淳安人以薦授青陽縣教諭會壬辰兵起僉憲哈喇呼舉充浙

東帥府令史未幾授定海縣尹居官一以樂易為務於刑寧失有罪不肯法外傷人於賦斂度民所當輸乃與為期會未嘗取疾爭先其在浙東釋溫慶之民被誣為盜者數千百人在定海益以禮讓化其民有古君子之遺風

明

洪子祥

畿輔通志嚴州人洪武初任真定縣時條教方新子祥調緩急布恩威撫良鋤橫務招輯

安養起凋殘而還之康阜民愛戴之

王文孜

遂安縣志字叔勤洪武三十二年任會昌知縣廉惠愛民其父愚叟嘗遺書戒之云若濫

賦私生不令人顧患難沒不容入家廟文致益
自勵門無私謁公無滯事勸課農桑民致殷富

徐誼

獻徵錄字宜叔壽昌人明初授黃岡知縣敦教
化厚風俗鞭扑不施而祖賦時入尋遇譴歸洪

武甲子郡邑以明經交薦授鎮江知府胥吏畏服
帝每宣諭天下有司云爾等只效鎮江徐知府清

廉幹辦宣不美哉考滿改授吉安府時屬邑龍泉
凋敝秋糧數年不足民有貧者賣妻鬻子而不能

輸誼出俸五百貫代償之後疾卒吉安
人皆路祭巷哭送其歸柩者萬餘人

孫瓊

嚴陵志字萬芳建德人建文時由太學生授景
陵知縣持身廉介綽有能聲永樂三年蘇松洪

水壞民田廬命吏部選天下賢能令督理凡十有
八人瓊與焉修築圩岸疏決壅滯咸底成績事竣

以老疾
乞致仕

何昭善

豫章書字憲章淳安人洪武間舉孝廉丞豐城縣營公廨興學舍治橋梁築堤塘經畫最

多

余思寬

萬厯嚴州府志字仲容遂安人永樂乙未進士授監察御史出按江西除奸剔蠹克振風

紀時永藩暴虐初肆思寬預燭其微疏其跋扈之漸事下法司得實朝論壯之仕至廣東按察副使

章增

嚴陵志遂安人宣德間由太學生授永清知縣值累歲歉設法賑濟民感其惠邑有鐵河久塞

水利不通增為浚之自是田闢而歲登民歌之曰鐵河穿田有年未幾改知華亭永民數千人狀其

政績乞畱弗獲宰

華亭六年以疾卒

洪景德

壽昌縣志號艾溪正統甲子舉人授南昌府通判改松江惠政甚多常瀆吳淞江新涇二

萬二十丈鑿曹家河三萬餘丈華涇塘六磊塘等
素涇塞者悉浚復之天順中擢荊州府同知致仕

余復

獻徵錄字存美遂安人正統戊辰進士拜南監
察御史景泰中陞江西按察司僉事分巡嶺北

時巡撫韓雍患江西賦役厲民創法欲均之顧憲
臣中獨複能辨此乃專委焉複盡心所事徭役遂
平民大霑惠分巡湖西所部吉安等三郡勢豪
族健訟成風複威以戢之誠以導之請謁不行剖
決如流於是翕然稱頌陞副使長河洞賊朱紹綱
叛郡縣繹騷複躬往顛督兵討之生擒七十餘人
賊平薦陞福建叅政母喪服闋復
江西按察使操履潔白始終一致

陳醇

福建通志桐廬人景泰中知壽寧縣時邑新設
庶務草創醇條理井井山谷椎魯之民始就教

化

柳勝華

建德縣志字景芳景泰中授澧州知州時藩

常武之間軍民土田疆界錯雜勝華一繩以法州在荆岳尤加意教化作興士類在任九年治行為諸郡最

洪弼

湖廣通志字士直嚴州人景泰進士授監察御史擢湖廣按察使事適常德辰沅饑都御史白

圭檄弼賑濟募民分粟仍給牛種多所全活靖州

徭叛弼設畫經畧擒其首惡餘黨悉平賜白金文

綺萬歷嚴州府志成化六年陞福建按察使尋陞

貴州左布政使弼以陳蕃宣撫司與長官司行事

齟齬不便奏請添設府治於是

土官始有所鉗束致仕於家

方中

萬厯嚴州府志字大本淳安人天順丁丑進士授玉山知縣政修務舉改南宮縣徵拜監察御

史巡視淮揚河道奏請浚治江浦一帶淤河築雷

公諸塘又命有司修築河岸二十三萬三千五百

餘丈成化十二年巡按湖廣時苗民犯順中與總兵官督軍平之歷陞貴州按察副使致仕子天雨字濟甫弘治壬戌進士授工部主事陞郎中時額外工作大興天雨屢奏止之擢貴州左叅議萬厯嚴州府志字克明淳安人天順庚辰進士授南戶科給事中多所建白擢江西左叅議發奸擿伏豪右斂手規畫條約民甚便之改廣東時潮州海寇為患鑑以計擒其首惡餘黨悉平尋以疾致仕

林鴻

兩浙名賢錄字時敘建德人成化間由太學生授甌寧知縣補連江邑民邊海不知藝麥鴻教

以播種之法始獲其利

方謙

兩浙名賢錄字克和建德人成化中由太學生授霑化知縣先是連年水旱逃亡者衆謙在任

六年撫字有方民多復業時
有一粟雙穗一蒂雙瓜之祥

何紹正

淳安縣志字繼宗弘治壬戌進士授行人陞
吏科給事中以事忤逆瑾謫判海州歷陞池
州知府郡城久廢紹正預申當道興築甫成而寧
邸之變作兵抵安慶紹正合僚佐誓以死守列幟
燃炬鳴金鼓日夜不絕者五旬賊終不敢
犯事聞加俸一級尋擢江西叅政致仕

余鋁

遂安縣志字文甫正德辛巳進士授浦城知縣
調繁閩縣兩邑立祠祀焉陞南刑部主事歷武

選司郎中以錦衣員冗疏軍政八事請裁不當龍
者遂為千戶陳紀所誣下刑部獄久之上知其忠
罪諸誣者由是為時貴所忌出為廣東叅議陞山
東副使董築南旺湖有功運道進階一級歷山西
左布政使卒

徐楚

徐應簧

淳安縣志 楚字世望嘉靖戊戌進士授工部主事轉郎中湖貴苗民逆命

上命重臣征討開府辰沅而除楚辰守諸鎮兵合
十餘萬調集辰州時尅期進兵而餉未集楚議將
南糧歲十餘萬留之以金錢代輸督府用其計師
遂濟歷陞雲南屯田副使興水利闢荒蕪正經界
追奪沐氏侵地還之民間遷四川叅政入境卽擒
巨盜范元兒等十餘人盜皆屏跡會攝藩篆例進
扇諸要路皆有餽儀楚削其儀以扇往諸要人銜
之因免歸年九十一卒子應黃字軒卿萬厯己丑
進士授大理評事歷虞衡司郎中督理三殿大工
裁減內官濫耗八萬餘兩陞武昌守時稅璫暴虐
商民致激變璫欲羅織無辜誣指刦稅應黃執法
不阿遂與中官意左資滿勿還七載始陞本省副
使轉布政司
叅政謝政歸

徐廷綬

淳安縣志字受之為諸生時海瑞令淳安深器重之登嘉靖壬戌進士授刑部主事歷陞

郎中時瑞以直諫下獄病劇廷綬親調湯藥瑞得不死每斷獄必輟轉求其可生者釋之會馮瑞主東廠勢熾甚以盜誣抵十餘人置之獄下部覈審廷綬為開釋無辜者八人同事者咸以為不可廷綬曰某所執者祖宗之法且殺人以媚人如天理何遂詳定律註擢守辰州廣學址捍水患賑饑民訊鞠明決吏不敢欺陞陝西按察司副使致仕

李臺

壽昌縣志字國佐嘉靖壬戌進士授漢陽司李斷獄詳晰攝府篆郡藩橫征稅額民甚苦之臺

力為申請遂減額過半召拜工科給事中遷陝西副使至則首詢民隱以汝堰廢壞閘繫全省即親詣堰所相度地形親督畚鍤不期年而功成

余焯

遂安縣志疏義河萬厯丙戌進士任潮州府推官南澳帥以獲倭請功焯三十人皆海濱漁

者悉遣之調延平府除坊役擒劇盜賴萬貫等入為大理評事多所平反出守南康歷陞江西叅政

募兵給屯草饒南諸郡糧弊築九江壩葺都昌城復安義堰所至皆以實政名

童時明

廣西通志字醒余淳安人萬厯四十年知永淳縣興學校巡阡陌勸民耕種諸凡不便於

民者一一籌度而詳草之

方學龍

淳安縣志字叔允萬厯己丑進士為廣東順德令興學校平賦役簡辭訟嚴防禦時海寇

猖甚學龍出奇計殲厥渠魁海氛克靖擢南刑部郎中有獄囚萌不軌潛結奸徒以包子十五為約適獄卒竊其二誤於十三夕先發囚皆利斧斬門大譟時漏下二鼓學龍立召巡兵持挺格之悉伏

辜陞福州知府移守漳郡
多惠政去後民立祠祀之

方尚恂

吳農祥方尚恂傳字威侯淳安人萬歷癸丑進士授刑部主事歷員外郎中出知建寧府

郡當潘樞吳建之亂餘黨未靖撫按司所下馭招
滯案幾山積尚恂抵境嚴鎖鑰嚴胥役均戍守減
徭賦因取馭招滯案一日決之老吏吐舌駭黠之
徒聞風逃去陞湖廣副使備兵辰陽辰與永順保
順二宣慰司隣二司兵強又生熟苗出沒鎮篳箐
峒剽掠無虛日而辰城頗圯尚恂計丈尺增雄之
衛以鐵菱石弩嚴督營哨不踰月擒斬苗魁數人
遂懾伏不敢動天啟四年黔撫王三善為降賊陳
其愚給入伏中自刺死黔事急司餉無專官黔督
會餉院題尚恂分守兼督餉遂移鎮沅州沅州運
道斗入萬山中歛仄如削率三十鍾而致一石尚
恂檄使人負四斗行十五里更番往來米相屬如

綆靡而人不頓又躬護帑金二十萬至師諸營以次頒給歡聲雷動崇禎十年水西平題敘黔功詔特賜銀幣

國朝

方象璜

鄉賢紹祀卅遂安人舉進士初為湖南理刑宜都公安有盜案縣捕向懷林等十八人置

之獄象璜疑其枉駁勘再四後果獲真盜乃皆得釋改令合肥下車宿包孝肅祠矢以詩云誓將龜勉清節是砥倘不恤民有如此水隨除火耗草積弊代民償漕米七百餘石民德之遂安縣志象璜宦歸家徒四壁以撰述自娛薦博學宏辭以後期未及與試

吳宏

公舉事實字谷月淳安人康熙癸卯舉人授四川鹽亭知縣邑自明季兵燹之後地多污萊宏

力為招墾地利漸復學宮久圯捐俸倡修振興文教山西民王懷秀之父買牛入川為盜所殺三年不決逮繫多人宏默禱於神神告以屍所立白之牽連者得釋陞河南汝州知州清操益勵會歲饑力請於上官發倉賑給復捐俸設粥以濟之民賴以甦以病歸卒年六十九

蔣鳴龍

山西名宦冊建德人康熙八年由拔貢知汾西縣汾西土壤高燥田每苦旱鳴龍相度汾

濱濬東平舊渠又築一堤於加樓村濬三渠於福珠衛家灘後園柏村由是田不苦旱驛舍毀於闕寇芻牧皆出里甲鳴龍謂驛傳自有正額草民間養馬費重建馬廐民德之

徐士訥

鄉賢留祀冊字恂若淳安人康熙丙辰進士授河南嵩縣令縣輸守例有季規士訥謁守

首陳此不宜派除正供外凡沿為規例牢不可破者一切革之時單騎課農墾闢者勞之卮酒芾草

不治者罰跪其側耕者競勸興伊川書院修邵康節祠更設義館時時與生徒講學興起者甚衆三年化行訟息萬民戴之如父母湯斌嘗稱之曰冰清玉潔實心愛民第一廉吏也旋以治行最擢山東濟寧守值歲饑捐俸賑恤所活十萬餘人他如定市價嚴朝飲懲梟博逐流娼善政畢舉濟之南有牛頭河上洩南旺諸水下經魚臺注下八閘自黃河決諸閘淤濟南南鄉窪地時被水患士訥具詳總河鳩工趨事所開已十之七瘁甚卒

吳貫

嚴州府志淳安人康熙壬戌進士授武昌府通城縣令廉潔愛民以卓異擢陝西乾州知州時

歲大旱民逃土荒貫至任即減騶從親詣諸村落招徠勸墾數年之間流民復業荒地盡闢民安其政訟簡刑清案無留贖歷官戶部郎中

温州府

宋

蕭振

宋史本傳字德起平陽人政和八年進士調信州儀曹時州郡奉神霄宮務侈靡振不欲費財

勞民與守議不合會方臘寇東南距信尤近守欲危振檄振攝貴溪弋陽二邑旣而王師至衢又檄督軍餉振治辦無闕諸邑盜未息守復檄振如初振恣意區處賊多降者調婺州兵曹後知成都府一以寬為治或問其故曰承縱弛革之當嚴今繼苛刻非寬則民力瘁矣帝嘉振治行謂宰臣曰四川善政前有胡世將今有蕭振加秩四等

林叔豹

兩浙名賢錄字懿文永嘉人建炎初為慈溪令廉明勁直高宗南巡勅戒衛士毋肆苛擾

以挽賢令時聞金人將至境有武悍之徒百十為羣乘勢抄劫叔豹廉其狀捕而斬之於是遠近知畏絕剽掠之患金師破明州立蔣安義為守金師退叔豹率鄉兵入城杖死安義一郎獲安高宗駐蹕臨安知其才召拜監察御史以風力稱

蔣行簡

萬厯温州府志字仲可永嘉人登紹興第通判興國軍值大旱疫作從一馬二卒齋藥療

民全活甚衆歷沅辰澧靖四州安撫諸司舉異績召對清暉殿不果用而卒

劉銓

兩浙名賢錄字全之樂清人舉進士知海鹽縣時大水害稼銓被檄檢傷放秋苗數萬斛勸富

人發廩賑濟民無耕資者貸於郡給之政務慈和飭以儒術稱循吏云

劉鎮

萬厯温州府志字可叔樂清人與兄銓相繼登紹興第任隆興府司法有重囚九人獄已具鎮

察其寃再行訊鞫果得其情告於郡悉免之移武義丞築溪塘數百丈改知長溪縣政績尤著民立

祠祀之

陳謙

傳詳武功

王桺

兩浙名賢錄字木叔永嘉人登乾道進士第調婺州推官漕司增本州上供米三萬斛守以下

不敢爭桺獨移書新守言其不可守以聞遂免知績溪縣邑斂重民貧鑿山壘畝乾瘠大半桺積錢買田為塘六十八場六浚舊陂百頃而歲以稔知江陰軍開蔡涇渠港五百里漕輓流通知贛州先禮教而後刑罰犯法日稀尋奉祠歸里

張秀樗

葉適張秀樗行畧字延卿永嘉人忠簡公聞之子幼入太學用父恩試吏部第一監臨安

府糧料院選司農寺丞選知潮州潮俗矜厲自喜秀樗傲古以便今崇雅黜陋士民愛服歷知濠州諜報金主祈太清宮且窺邊州人大恐秀樗不為動但遣承局趣取子舍遠近安之改知和州首開三河復胡昉故跡剡車蒺藜大樂傳鐵廢闕遺隘之要無不預講尋致仕

彭仲剛

兩浙名賢錄字子復平陽人登乾道進士第主金華簿衢州大水監司命仲剛覆視而後

賑仲剛曰覆而後賑防吏之欺將使民實得食也恐待覆而民不食死矣監司感悟即出米恣所為賑之民賴以生移臨海令遷知全州減浮費寬商稅揮學師教其子弟而親執經講說官至浙東提舉常

平

林頤叔

葉適林頤叔墓誌字正仲瑞安人登進士為羅源主簿民俗親死焚尸瘞其骨凌風飄揚

命曰升天頤叔刻文禁止治塚甓藏之始變其俗
有以刃挺誣人至大辟頤叔視之溺死也移玉山
巫玉虹橋在市心壞久計費數百萬徒與束手
頤叔自與錢勸成之辟監建康戶部瞻軍庫

陳求魯

萬厯温州府志字質甫樂清人登嘉定第倅
臨安府監左藏庫出知南劍州時劍民遭亂

殘破求魯為奏蠲租稅仍出私帑以賑召為司
封郎真德秀薦之陞左正言積階朝散大夫

吳舜龍

兩浙名賢錄字君友永嘉人登紹定第知於
潛縣以清約裕涓瘵邑人德之擢監察御史

出為浙西提刑奉命慮因按歷所至
舉無冤枉以大理卿召尋奉祠歸

項公悅

兩浙名賢錄字無欲永嘉人調閩縣簿改無
為軍司理讞閱忘寢食園土為空改秩知侯

官庭無扑聲會歲旱禱雨瑞澤潭潭在萬山頂公
悅披棘徒行烈日中數十里下山驟雨隨注而公

悅病
賜卒

薛直夫

廣東通志字遇叟永嘉人嘉熙元年知雷州修渠建橋振舉廢墜始雷俗不知醫藥病則

專事巫禱直夫創立惠民藥局教以醫療去之日民立生祠祀之

陳淳祖

兩浙名賢錄字道初瑞安人登嘉熙第知錢塘以治最聞除提轄權貨務上萬言書論時

事忤宰相出判徽州以選知南康軍撫治有功除秘書郎遷著作郎浙西水以倉節兼知安吉州賑恤有方列城按堵名為吏部郎遷司農少卿時相賈似道每自擬周公淳祖識之似道怒免其官

木天駿

兩浙名賢錄字德遠瑞安人登嘉熙第知閩縣有政聲後守建昌郡人包恢居政府族子

倚勢漁獵小民天駿入境即逮至踪竄之

許鑒

福建通志溫州人淳祐間知古田有風力抑強扶弱人畏憚之

陳均

萬厯溫州府志字子公平陽人舉進士歷知東陽麗水西安縣所至有聲除大理丞出為廣東

提刑強寇犯邊漕帥邀功縱殺囚數十平民於獄均審竅盡釋之帥不悅媒孽於臺罷去久之起知贛州咸淳初除檢正賈似道以平章奉母居西湖欲以堂印自隨均爭曰堂印無出城理坐是免官後以秘閣修撰致仕

趙與霆

趙與琇

舊浙江通志與霆字震道永嘉人與弟與琇同登淳祐第知鄞縣究

心撫恤數以公事與制閩爭無所降屈與琇字器道為建寧府司理推鞠多所平反時馬光祖以閩兼守號一代吏師獨以與琇為能

元

陳

麟戴良陳麟傳字文昭其先自福清徙溫遂占籍焉至正甲午以易經貢春官廷試置乙科授慈

溪縣尹吏每竊弄威柄弊難遽革麟至求士大夫之賢者卽其家問事父老來見亦時時語次尋繹鈎其隱伏以相參考倣古為詒篇虛中而穴其上置諸鄉校令民有所言投書其中而削其主名由是縣大小事無不周知吏以麟盡得其受取請賕狀喋不敢出一語惟抱文書呈署而已縣歲貢春茶有司並緣為奸利麟計其常額以平價市之比舊十減九後遂以為法縣之鳴鶴鄉有界塘在餘姚界霖雨至鄞江之水輒衝潰塘潰而鳴鶴治矣麟乃去塘五尺許捷木籠竹加土築之甃以石使民歲無水患淮寇陷湖州所在驛驛有旨令郡縣團結義兵麟親閱丁壯教之擊刺坐作日夜部

勒無不精練。潁江南岸曰網灘。惡少年嘯聚為盜。則督士卒奮擊磔尸江上。鄧縣之夾塘有劇賊時出為害。潛引壯士盡縛之。斬以徇。自是遠近無犯法者。尋改溫州路瑞安知州。以疾辭歸。

明

周丹

憲章類編。永嘉人。洪武初進士。授新化縣丞。在下籍記之。遇有賦役。隨輕重使之。民不擾而事集。獄訟文牘。皆躬自督理。吏胥不得為奸。罷諸役。作民晏然。安業流民歸者益眾。滿考課最。陞考功主事。既而縣民蕭俊等詣閭言。自本官去職。縣政復擾。乞令再任。帝命復為縣丞。仍令禮部宴賞而遣之。

楊景衡

萬厯溫州府志。瑞安人。永樂舉人。任兵部主事。遷吏部郎中。出為福建左叅政。廉介自持。

政平不擾帝將北征用輔臣薦命總督糧餉既班師令復任臨軒慰諭之曰聞閩人之望若如渴也宜急往後以老乞致仕

韓偉

萬歷溫州府志字英仲瑞安人永樂中由太學生擢監察御史巡按河南鎮靜有體遷河東運

使清操甚著創立學官擢其屬戶之秀者教之遂相率登第以母老乞休不允卒於任

蔡光親

福建通志樂清人洪熙初知福清以廉能稱時內臣奉命採辦率凌逼屬邑供億無算獨

福清民無所擾云

葉錫

萬歷溫州府志字元圭永嘉人宣德庚戌進士選入翰林正統初出知吳江縣再任吳縣專尚

德化入朝以治行卓越賜宴內庭加命服擢寧國知府

葉衡

平陽縣志字延衡景泰間授濬縣知縣持操潔白人呼葉青天濬鄒彰德其守將不戢士志為

暴衡奏譴其指揮三人百戶十人自是民得安息後以老歸

吳祚

萬厯溫州府志字士德瑞安人景泰舉人授常州府判歲大侵為民請命得蠲稅糧之半仍發

粟萬石賑之兼理刑多所平反民有以謀害坐大辟者訊其誣即為昭雪尋乞歸

蔣愷

萬厯溫州府志字舜相樂清人由選貢入太學授霸州知州霸內畿外邊俗瘠而民貧愷以廉

平治之崇學校理冤獄通水利均賦役政聲大著秩滿霸民乞留歷三考俱最以憂去

侯爵

萬厯溫州府志字欽爵樂清人自諸生升國學成化中除惠州興寧知縣甫下車即為條教務

農勸學獄囚出數百人訟至立決民大畏服以疾乞休百姓泣留都御史咸加慰諭復強起視事卒

官於

陳宣

傳詳
介節

朱諫

萬歷温州府志字君佐樂清人弘治丙辰進士
歷歙豐城二縣令陞吉安郡守吉有豪民附宸

濠橫境中諫逮繫之論如法又預策宸濠有變日
儲餉募兵浚湏增譚人莫測其意去郡後二載而

濠果叛王守仁由吉
安起兵竟得其力

童器

萬歷温州府志字大用平陽人弘治己未進士
授工部主事分理臨清廠移督漕河時劉瑾用

事中貴藉勢橫行見器持斂戰知鎮遠府民獠雜
處思威並行有星子箠者煽亂計擒之郡賴以安

後與監司
有隙罷歸

朱文簡

萬厯温州府志字元可樂清人徙永嘉弘治舉人教諭晉江遷增城令革常例金千餘兩

獄多所平反時有尚寇侵暴文簡屢戰勝之殲其巨魁餘黨悉平

曾顯

泰順縣志字文煥由歲貢生歷知永定縣居官廉謹專務牧養時永定賊首朱四偏據一方久

征不服顯單騎入巢穴諭以大義遂降改令陽山政善民懷九載考最以母老終養

侯廷訓

舊浙江通志字孟學樂清人正德辛巳進士除南禮部主事著大禮辨數千言逮繫下獄

謫泗州判官遷漳南兵備僉事建社倉平劇盜蠲虛糧革羨餘尋以疑獄與御史爭被劾罷歸

趙廷松

温州府志字子後樂清人嘉靖癸未進士為刑曹郎時大禮議起廷松偕同列伏闕力爭

被杖謫福寧州同知已又補蘄州所在有惠政不以謫吏弛職業積遷至山西布政使

王叔杲

永嘉縣志字陽德嘉靖壬戌進士令靖江調常熟入為兵部員外出守大名諸屬邑文風

不振為建書院延師儒課之才賢奮起擢松江兵備諸所經畫水利海防足垂永賴尋晉叅政歸

葉世德

永嘉縣志字有懷樂清人徙永嘉嘉靖舉人授廣昌令益藩新置王莊民稱不便徑申文

止之新學校創義倉與民興利擢漳州同知職海防兼番舶稅力革夙弊一切餽遺謝却之遷楚藩

長史
致仕

孫昭

溫州府志字明德永嘉人嘉靖甲辰進士令永嘉補魏縣刑弊懲奸政稱異等擢雲南道御史

巡茶陝西更定茶
馬法至今便之

王良心

永嘉縣志字性德隆慶辛未進士授增城令邑地僻民貧多剽掠良心至賑民養士修學

築城邑以大治尋

擢兵科給事中

葉承遇

福建通志字思章温州人萬歷五年知莆田先是田分官民賦有輕重承遇欲均田為一

而念浮糧難攤會有履畝之命即以丈出餘田折補其額間里便之又編派里甲悉為更定即豪貴無所避至今談均田均役者必首稱承遇云

王繼明

永嘉縣志字用晦萬歷甲戌進士授當塗令興利除害奸黨斂迹邑當孔道時張居正母

喪馳驛還楚所過皆結綵相候繼明無所加禮居正銜之坐降級赴贛幕連署瑞金寧都安遠三邑皆以循卓稱久之補樂安令奏最推南曹厯守鎮江襄陽太平三郡陞四川按察使卒變人以宋王十朋曾宦於此合祠祀之名二王祠

張德明

分省人物考號毅字樂清人萬厯丙戌進士授刑部主事厯郎中出守寧國礦使至郡人

情洵德明陽為款語陰實劇其距角部勒黨從得不橫噬一郡帖然擢湖廣副使以叅政致仕

吳寶秀

舊浙江通志字汝珍平陽人萬厯己丑進士厯遷南康知府甫六十日決滯獄殛奸民一

郡肅然巨璫李道權稅湖口窮捕商艘波及郡民寶秀持不可遂誣奏逮詔獄妻陳氏請同行不得

雖經以殉合郡哭送境上郡民陳英熊娘輩叩闕願以身代臺省交章論救會星變乃得宥歸上亦悟撤李道回詔以有司代其任熹宗立贈太僕寺少卿

處州府

宋

何琬

兩浙名賢錄字子溫龍泉人皇祐進士七歷監司神宗嘗疏其名於屏曰政事何琬文章葉濤

後官至龍

圖閣學士

祝粹

括蒼彙紀字子元麗水人元祐進士為分水令有政聲百姓生子皆以其姓為字

葛源

西江志字宗聖麗水人以泰和簿攝吉水令吏舞弊者悉置以法有毛氏寡婦訴子不孝源以思義說之不從密使人覘有與間語者捕得之乃謀誣其子也窮治具服縣距州遠民輸租苦於輓

運源始議置縣倉民便之

張著

兩浙名賢錄字少微龍泉人崇寧進士知永康縣有惠政紹興中歷守臨江平易近民戶口增

七萬餘部使者以治最聞時兵荒民鮮習儒著建學以造士上將用著而以鯁直忤時相竟出知筠

州卒
於官

張端禮

李綱張端禮墓誌字南仲龍泉人崇寧五年進士授陳留縣主簿歷知常州武進縣調無

為軍司錄事乞祠卒端禮平居循謹及涖官從事
刺繁治劇應刃輒解武進劇邑號稱難治端禮下
車未幾吏畏民愛有所號召榜之邑間起應如響
未嘗遣吏持符至村墮間官無為地僻政竄端禮
隨事糾正多所裨益朝廷降錢和糴部送吏悉以
驚鹽鈔會鈔法改諸郡恐失期則令民戶均賠端
禮持不可曰規利失錢吏也奈何以誣民且朝廷
以百姓困乏故降糴本今反取之殆非布宣德澤
之意乃具奏而以吏繫獄會赦吏
得釋而民不擾者端禮之力也

沈造

兩浙名賢錄字次仲縉雲人政和中進士知漳
浦縣海寇作亂將及境聞造有政聲即引去曰

母驚沈公及判潮時有韓山神歲須男女以祭造至即焚其廟毀像得巨蛇殺之凶祀遂絕議者以

方韓昌黎之驅鯉云

張溥

括蒼蒙紀字德施龍泉人紹興中進士知莆田縣淳熙九年差知岳州陞對論常平虧欠之弊

欲令州縣申具實數寬其已往之罪講明方來之法復論欲令忠順官任滿迭相注授稍令待缺以寬庠給上首肯之除福建參議未赴卒

陳汝錫

揮塵三錄字師禹處州人以身猷宣力於中興之初高宗自四明還會稽汝錫領帥浙東

當搶攘之後安輯經理美效甚著適秦檜素懷睚眦以他罪坐貶單州團練副使漳州安置兩浙名賢錄汝錫紹聖五年進士邑之登第自汝錫始著有鶴溪集十二卷

季南壽

括蒼彙紀字元衡龍泉人登紹興進士知簡州發奸摘伏如神徙守暑陽民夜苦暴水南

壽

出令救一人者與己俸五緡活人甚衆後上疏乞休進直顯謨閣致仕

張商卿

括蒼彙紀字宗尹龍泉人紹興進士知滁州極論屯田之害謂開耕之初率民田充數名

曰借獻其實攘取募民代錢名曰扣雇其實差科後官至淮南轉運判官

何侑

兩浙名賢錄字德獻龍泉人以蔭調福州古田簿時方弱冠遇事通解攝縣事取滯獄決遣之

輕重得情改於潛縣治以最聞遷通判廬州就差知黃州黃多盜梃鼓夜鳴侑乃連鄉舍保伍盡破

其根株窟穴盜無所容奔走北境除荆湖南路提舉茶鹽事會盜發廣西陷藤潯高化四郡都督張

浚奏侑有戡亂才遂除經畧安撫廣南西路盜聞風解散侑撫摩瘡痍之民奉宣寬大之詔剔蠹除

鍾繕甲厲兵一路賴以保障者二十餘年

盧彥德

括蒼彙紀字國華麗水人紹興中進士知廣德軍建平縣舊版籍有絕戶物力錢抑民代

輸繚足民苦之多逃亡彥德至大搜隱漏以實升降削虛產二千餘戶於是逃者復歸兩守蜀郡再歷憲曹並著聲績後官至朝請大夫

田渭

括蒼彙紀字伯清縉雲人紹興中進士為辰州教授五溪俗與中州殊絕渭創學宮刻典籍立

程度推誠訓育俗為一變遷司封郎除浙東提舉常平歲歉究心荒政除台發處三州戶科茶稅又奏罷五等差夫送迎之擾民賴以安

朱藻

括蒼彙紀縉雲人紹興中進士知浦城縣邑有劇寇前令莫敢誰何藻至悉置於法

程樟

兩浙名賢錄字喬仲松陽人官連州司理妖民

改知侯官聿新學宮日與博士弟子講學習射彬彬向風晉守廉州政尚簡靜置平糶倉以濟民饑

官至廣東西路憲使

李籲

括蒼彙紀字和叟龍泉人隆興中進士歷開州知州節浮靡蠲宿逋秦除省額四千餘緡減州

額六百餘緡尋擢東普知府普連年大饑籲講求荒政至廢寢食民甚賴之

詹宗契

括蒼彙紀字彥敷縉雲人以世賞入仕終知南康建昌二州撫湖外之民講救荒之術丞

相葉淮嘗舉其廉能孝宗詔褒獎之

黃邦彥

括蒼彙紀字退翁縉雲人嘉定中進士知雲都縣吏以治盜請邦彥曰以民視民何忍為

盜作廉寬公勤四銘刻於邑治以勸
後人盜風遂息歷官至朝散大夫

朱定

福建通志縉雲人嘉定間知連江疏水利決淹獄正役版咸惠並行吏民樂之

季鏞

兩浙名賢錄字伯韶括蒼人淳祐十二年知睦州時大水壞公私廬舍無數民苦溺且饑鏞至

虛已問俗首蠲私苗十六力請於朝寬京府權羅之令發廩分賑捐抽解場木予被水之家未幾頓復舊觀民忘昏墊後

官至兩浙轉運使

潘自中

括蒼棠紀字時又松陽人為江州司理有吳門鹽商牽連就繫吏承上意欲加之罪沒入

其貲自中曰八人之罪以媚人吾不忍為也力雪免之州部將二人以軍賦抵牾繫獄統戎者以夙憾欲死之自中走白於府

深明其誣二人賴以免

元

趙翠

福建通志縉雲人至元間為劍州路總管時兵
戈甫息翠至一以廉靜為先尤加意學校諸生

立碑
頌焉

王鉉翁

王禕王鉉翁墓志字中實遂昌人為平江路
吳縣主簿郡守杜某素知其材大小政務悉

以委之豪民顧鍾朱郭四大姓怙勢為不法則發
其罪惡咸置於理除台州路黃巖判官亭戶洪甲
恃不統於有司恣為暴橫殺平民吏白不宜問鉉
翁曰殺人之入乃可置不問耶逮捕繫獄坐罪不
少貸奸民有挾偽鈔板詣官自首者覲事發因得
誣連富人鉉翁察其情詰之果白服立命焚其板
居三年庶績具舉以
中山府判官致仕

明

應塤

括蒼棠紀字伯和縉雲人洪武初由儒士知太康縣以廉謹稱陞知荆門州治尚寬厚民多德

之永樂
中致仕

張彥方

崇禎處州府志字文鉅龍泉人洪武中舉孝廉歷官樂平知縣剖斷如神冤抑得理

王均

兩浙名賢錄字惟準青田人正統丙子舉人選濱州知州屬歲大旱民無穀種流離滿道均躬

履村落貸種給耕又力請於朝得銀萬兩民賴以濟

周雷

兩浙名賢錄字時敬松陽人由歲貢判延安出鎮神水督倉廩謹度支崇學典故恩威並行又

以地高乏水人多病渴乃令各鑿井利濟無窮及歸民皆遮道泣餞不忍別

金文

獻徵錄字尚德麗水人景泰辛未進士拜行人

累百餘文奉命鞫之三日而情具奏從其人於邊

在刑部十三年無私請託出為開封知府時屢歲

淫雨害稼黃河岸決百姓薦飢文親履災所驗實

鄭宣

括蒼彙紀字士達麗水人弘治癸丑進士選御

史綽有風裁以抗禮逆瑾謫興化推官多善政

州府志著有宋元綱目愚管郡志補遺古括遺芳

沈暕

括蒼彙紀字景明雲和人弘治乙丑進士累官

山東副使適王鐘寇發勢甚猖獗暕設法勒絕

書等

境賴以寧
未幾致仕

汪瑛

括蒼彙紀字子修麗水人正德戊辰進士任兵部主事歷陞福建副使勦泉州賊一方以定會

入覲卒於途
家無贏積

葉禎

括蒼彙紀字瑞卿麗水人嘉靖戊子舉人授宜黃知縣剛介不阿改巴東節用愛民上下信服

尋遷梧州府
通判致仕

李璽

括蒼彙紀縉雲人任重慶府推官公廉仁明考最擢知趙州苦節惠民甫五月卒民建仰德祠

祀以

李珉

兩浙名賢錄縉雲人任延平司李鞠獄明允人稱不寬有父訟其子者其孫曲護其父珉曰爾

知為父之子不知父即祖之子也三人叩頭悔罪

聞風者亦無不感化尋遣撫州別駕時峒寇出沒

境土肅清尋致仕

戴濂崇禎處州府志字希茂麗水人嘉靖壬戌進士

州府鎮以清靜豪猾扞網一無所貸調海州府罷

牛稅減鹽錢嚴發塚挾賄之禁海俗為之一變尋

移病歸

鄭文茂崇禎處州府志字實夫縉雲人嘉靖癸丑進

士授刑部主事歷本部郎出守承天多善政

遭四川兵備副使勦巨寇何勉

薦斥貪墨草支應民歌頌之

黃一陽

處州府志字旋化遂昌人萬歷癸巳選貢授

滄州判官陞藤縣令地產異草人食之立死

惡少每恃以誣人一陽下車首著為禁
在任二年鮮有以人命訟者尋卒於官

李逢雷

處州府志字子敬縉雲人以例貢授光祿寺
署丞陞遼州同知州治在萬山中多曠土因

勸民植茶果墾土田應罰錢者視墾畝多寡為
差民爭畢力得田數千畝擢福建鹽運副使

國朝

吳從謙

湖南名宦冊景寧人由拔貢知臨武縣撫
輯流移均平徭役多善政尋陞武岡知州

張翀

福建名宦冊字南溟麗水人康熙七年令羅源
耿逆播虐縱黨四出剝民翀苦而逐之境外嬰

逆怒脅知府王之儀揭罷之儀持不可逆乃檄召
翀翀單騎之省百姓從行甚衆逆黨謀於中途寤
辱望見之不敢動卒
於官邑人構祠祀焉

浙江通志卷一百七十

欽定四庫全書

史部

浙江通志卷一百七十二

詳校官給事中臣戴璐

檢討臣德生覆勘

總校官編修臣倉聖脉

校對官中書臣吳甸華

謄錄監生臣李克文

欽定四庫全書

浙江通志卷一百七十一

人物

四

武功

一

易重丈人詩稱元老揆文奮武二者兼資兩浙雖以文物稱而虎臣輩出莫不謀勇並施奇正互用其有保障一方効忠宣力者均為民社之賴邦家之光

皇朝聲靈赫濯將帥盡干城選凡折衝禦侮建樹勳庸
載在旂常用昭史冊矣志武功

杭州府

漢

韓終古

史記東越列傳東海王餘善聞漢兵臨境發
兵距漢道天子遣樓船將軍楊僕出武林元

封元年入東越東越使徇北將軍守武林敗樓船
軍數校尉殺長吏樓船將軍率錢唐韓終古斬徇

北將軍為禦兒侯注
正義曰韓姓終古名

孫堅

三國吳志本傳字文臺富春人年十七與父共
載船至錢唐會海賊胡玉等掠取賈人財物於

岸上分之堅謂父曰此賊可擊操刀上岸以手東
西指麾賊望見以為官兵捕之即委財物散走堅
追斬得一級以還由是顯聞府召署假尉會稽妖
賊許昌起句章堅以郎司馬募召精勇得千餘人
與州郡合討破之除鹽漬丞徙盱眙下邳丞中平
元年黃巾賊張角起中郎將朱儁表堅為左軍司
馬與儁并力奮擊所向無前汝穎賊走保宛城堅
身當一面登城先入衆乃蟻附遂大破之拜堅別
部司馬邊章韓遂作亂涼州中郎將董卓拒討無
功司空張溫行車騎將軍西討表請堅與參軍事
屯長安章遂聞大軍至皆乞降軍還拜議郎時長
沙賊區星攻圍城邑以堅為長沙太守到郡親率
將士施設方畧旬月之間克破星等周朝郭石亦
帥徒衆起零桂與星相應遂越境尋討三郡肅然
錄前後功封堅烏程侯董卓擅朝政橫恣諸州郡
並興義兵討卓堅亦舉兵前到魯陽與袁術相見

街表堅領豫州刺史卓尋徙都西入關堅乃至雒
修諸陵引軍還街使堅擊劉表表遣黃祖逆於樊
鄧之間堅擊破之追渡漢水遂圍襄陽單馬行岷
山為祖軍士所射殺堅子權稱尊號諡曰武烈皇
帝

孫策

三國吳志本傳堅子字伯符堅初興義兵策居
舒與周瑜相友收合士大夫江淮間人咸向之
堅薨渡江居江都吳景時為丹陽太守策就景因
緣召募得數百人興平元年從袁術術甚奇之以
堅部曲還策術常歎曰使術有子如孫郎死復何
恨遣策攻廬江太守陸康拔之策說術平定江東
術表策為折衝校尉行殄寇將軍兵纔千餘騎數
十匹賓客願從者數百人比至歷陽衆五六千策
渡江轉鬬所向皆破莫敢當其鋒吳人嚴白虎等
衆各萬餘人處處屯聚策曰虎等羣盜非有大志

此成禽耳遂引兵渡浙江據會稽屠東冶乃攻破
虎等盡更置長吏策自領會稽太守時袁術僭號
策以書責而絕之曹公表策為討逆將軍封吳侯
建安五年曹公與袁紹相拒於官渡策陰欲襲許
迎漢帝密治兵部署諸將未發為故吳郡太守許
貢客所殺策創甚呼權佩以印綬謂曰舉江東之
衆決幾於兩陳之間與天下爭衡卿不如我舉賢
任能各盡其心以保江東我不如卿卒年二十六
權追諡曰
長沙桓王

三國吳

孫靜

通志宗室傳字幼臺堅季弟也堅始舉事靜糾
合鄉曲宗族以為保障策破劉繇進攻會稽靜

與策會於錢唐時太守王朗拒策於固陵策不能
克靜說策曰朗負阻城守難可卒拔查瀆南去此

數十里道之要徑宜從彼據其內所謂攻其無備出其不意者也策曰善至昏暮四維然火誑朗便分軍夜投查漬道襲高遷屯朗大驚帥兵前戰策破之遂定會稽表拜靜為奮武校尉權統事遷昭義中郎將終於家子瑜字仲異建安九年領丹陽太守十一年與周瑜兵討麻保二屯破之後從權拒曹公於濡須遷奮威將軍建安二十年卒瑜弟皎字叔朗拜護軍校尉時曹公數出濡須皎每赴拒號為精銳遷都護督夏口輕財能施善於交結常下令曰今所誅者曹氏其百姓何罪自今以往不得擊其老弱由是江淮間多歸附者後呂蒙襲南郡命皎為後繼定荊州建安二十四年卒皎弟魚字李明皎卒代統其衆以揚武中郎將領江夏太守黃武五年權攻石陽魚使所部將軍鮮于丹帥五千人先斷淮道自帥五千人為軍前鋒降高城得三將大軍引還權過其軍見軍陣整齊歎曰

初吾憂其遲鈍今治軍諸將少能及者吾無憂矣拜揚威將軍封沙羨侯

孫賁

通志宗室傳字伯陽父羌堅同產兄也堅於長沙起義兵賁從征伐堅薨依袁術術表賁領豫

州刺史轉丹陽都尉討平山越時策已平吳會二郡賁與策征廬江太守劉勳江夏太守黃祖軍旋定豫章賁領太守後封都亭侯卒子隣嗣隣年九歲代領豫章章討平叛賊政績修理名還武昌為統帳督遷夏口沔中督威遠將軍所居任職亦烏十一年卒賁弟輔字國儀以揚武校尉佐策平二郡策討丹陽七縣使輔西屯歷陽以拒袁術又從策討陵陽生得祖郎等策西襲廬江太守劉勳輔隨從身先士卒有功策上輔廬江太守遷平南將軍領交州刺史

吳景

三國吳志吳夫人傳夫人弟景吳人徙錢唐常隨堅征伐有功拜騎都尉袁術上景領丹陽太

守孫策與孫河呂範依景合衆共討涇縣山賊祖
卽卽敗走會景為劉繇所迫復北依術術以為督
軍中卽將與孫賁共討樊能于麋於橫江又擊笮
融薛禮於秣陵時策被創牛渚降賊復反景攻討
盡禽之從討劉繇繇奔豫章策以景為丹陽太守
漢遣議郎王誦銜命南行表景為揚武將軍領郡
故如

徐琨

三國吳志徐夫人傳夫人父琨富春人隨堅征
伐有功拜偏將軍隨策討樊能于麋等於橫江
擊張英於當利口而船少欲駐軍更求琨母時在
軍中謂琨曰恐州家多發水軍來逆人則不利矣
如何可駐耶宜伐蘆葦以為汭佐船渡軍琨具啓
策策卽行之衆悉俱濟遂破英擊走笮融劉繇策
表琨領丹陽太守會吳景復為丹陽守琨以督軍
中郎將領兵從破廬江太守李術封廣德侯後從

討黃祖中流矢卒于矯嗣侯計平山越拜偏將軍矯弟祚亦以戰功至於蕪湖督平魏將軍

凌統

三國吳志本傳字公績餘杭人父操軀俠有膽氣孫策初興每從征伐常冠軍屐鋒還破賊校

尉及權統軍從討江夏入夏口先登破其前鋒輕舟獨進中流矢死統年十五權以操死國事拜統別部司馬使攝父兵從擊山賊統率厲士卒身當天石所攻一面應時披壞遂大破之權復征江夏統為前鋒行入右江斬黃祖將張碩時呂蒙敗其水軍而統先搏其城於是大獲權以統為承烈都尉與周瑜拒破曹公於烏林遂破曹仁遷為校尉又從破皖拜盪寇中郎將從往合肥為右都督時權徹軍前部已發魏將張遼奄至津北前兵已遠勢不相及統率親近三百人陷圍扶扞權出敵已毀橋橋之屬者兩版權策馬驅馳統復還戰左右盡死身亦被創度權已免乃還橋敗路絕統被甲

潛行權既御船見之驚喜拜偏將軍權勅屬城凡
統所求皆先給統素受士士亦慕焉得精兵萬餘
人會病卒權聞之減膳流涕二子烈
封內養於宮追錄統功封烈亭侯

全琮

三國吳志本傳字子璜錢唐人父柔會稽東部
都尉孫策到吳柔舉兵先附策表柔為丹陽都

尉琮顯名遠近權以為奮威校尉授兵數千人使
討山越因開募名得精兵萬餘人出屯牛渚稍遣
偏將軍建安二十四年封陽華亭侯黃武元年魏
以舟軍大出洞口權使呂範督諸將拒之軍營相
望敵數以輕船鈔擊琮常帶甲仗兵伺敵數千人
出江中擊破之梟其將軍尹盧進封錢唐侯四年
假節領九江太守七年權到皖使琮與陸遜擊曹
休破之於石亭是時丹陽吳會山民復為寇賊攻
沒屬縣權分三郡險地為東安郡琮領太守明賞
罰招誘降附數年中得萬餘人權召琮還牛渚罷

東安郡嘉禾二年督步騎五萬征六安六安民皆散走諸將欲分兵捕之琮曰夫乘危徼倖舉不百全者非國家大體也今分兵捕民得失相半縱有所獲猶不足以弱敵而副國望如或邂逅虧損非小與其獲罪寧以身受之不敢徼功以負國也赤烏九年遷右大司馬左軍師十二年卒

全緒

三國志注琮長子緒幼知名奉朝請出授兵稍遷揚武將軍牛渚督孫亮即位遷鎮北將軍東

關之役緒與丁奉建議引兵先出以破魏軍封一子亭侯

南北朝

吳喜

宋書本傳臨安人涉獵史漢頗見古今為主圖令史沈慶之征蠻請喜自隨建義事平以喜為主書擢河東太守大明中黜歙二縣有亡命數千人攻破縣邑世祖遣喜將數十人至二縣誘說羣

賊賊即日歸降太宗即位東兵急喜請得精兵三百致死於東上大悅即假建武將軍簡羽林勇士配之議者以喜刀筆主者不嘗為將不可遣巢尚之曰喜昔隨沈慶之屢經軍旅性既勇決又習戰陣若能任之必有成績喜乃東討百姓間吳河東來便望風解散故喜所至克捷封竟陵縣侯東土平定又率所領南討還輔國將軍尋陽太守南賊退走喜追討平定荊州泰始四年改封東興縣侯除淮陵太守五年魏寇豫州喜統諸軍出討大破魏於荆亭六年又率軍向豫州拒魏加假節督豫州諸軍事明年還京死子徽民襲爵

杜稜

南史本傳字雄盛錢唐人少落泊游嶺南事梁廣州刺史蕭映映卒從陳武帝平蔡路養李遷

仕皆有功梁元帝承制授石州刺史上陌縣侯侯景平後武帝鎮朱方以稜監義興琅瑯二郡武帝

誅王僧辯召與同行東征杜龕留稜與安都居守
徐嗣徽任約引齊師濟江攻臺城安都與稜隨方
抗拒未嘗解帶以功除右衛將軍丹陽尹文帝即
位連領軍將軍改封永城縣侯太建元年出為吳
興太守二年徵為侍中尋加特進護軍

駱牙

陳書本傳字旗門臨安人梁太清末世祖避地
臨安牙母陳觀世祖儀表知非常人賓待甚厚

及世祖為吳興太守引牙為將帥從平杜龕張彪
等每戰輒先鋒陷陣勇冠衆軍世祖即位封常安
縣侯遷越州刺史初牙母之卒也於時饑饉兵荒
至是始葬詔贈牙母常安國太夫人謚曰恭太建
八年遷散騎常侍入直殿省十
年授豐州刺史至德二年卒

隋

陸知命

隋書本傳字仲通富春人性好學通識大體

慧等作亂於江左晉王廣鎮江都以其三吳之望
召令諷諭反者知命說下賊十七城得其渠帥陳
正緒蕭恩行等三百餘人以功拜儀同三司知命
見天下太平勸高祖都洛陽因上太平頌以諷焉
諸朝堂上表請使高麗曰昔軒轅馭厯既緩風沙
之誅虞舜握圖猶稽有苗之伐陛下當百代之末
膺千載之期四海廓清三邊底定惟高麗小豎狼
顧燕垂王度舍弘每懷遵養者良由惡殺好生欲
論之以德也臣請以一節宣示皇風使彼君臣面
縛闕下授普寧鎮將煬帝嗣位拜治書侍御史遼
東之役為東曉道
受降使者卒於師

唐

褚璆

唐書褚遂良傳璆字伯玉遂良曾孫推進士第累拜監察御史裏行先天中突厥圍北廷詔璆

持節監總督諸將破之遷
侍御史拜禮部員外郎

五代

錢鏐

五代史吳越世家字具美臨安人里中有大木鏐幼時與羣兒戲木上鏐坐大石指麾羣兒為

隊伍號令頗有法羣兒皆憚之壯善射與衆稍通圖緯諸書唐乾符二年浙西裨將王郢作亂石鑑鎮將董昌募鄉兵討賊表鏐偏將擊郢破之時黃巢攻掠浙東至臨安鏐出奇兵邀之與勁卒二十人伏山谷中巢先鋒度險皆單騎鏐伏弩射殺其將巢兵亂鏐引勁卒蹂之斬首數百級乃引兵趨八百里八百里地名也告道旁媼曰後有問者告曰臨安兵屯八百里巢衆至聞媼語皆曰十餘卒

欽定四庫全書



浙江通志
卷一百七十一

八

不可敵况八百里乎急引兵過都統高駢表昌為
杭州刺史昌以鏐為都指揮使中和二年越州觀
察使劉漢宏與昌有隙遣弟漢宥屯兵西陵鏐率
八都兵渡江竊取軍號斫其營營中驚擾因焚之
漢宥敗走漢宏復遣將黃珪何肅屯諸暨蕭山鏐
皆擊破之四年漢宏遣將朱褒施堅實等以舟兵
屯望海鏐出平水破褒等於曹娥埭進屯豐山堅
實降遂攻降越州漢宏走台州刺史執漢宏送鏐
斬於會稽鏐奏昌代漢宏而自居杭州光啓三年
拜鏐左衛大將軍杭州刺史是歲潤州帥周寶奔
常州鏐遣將成及杜稜等攻常州取寶以歸昭宗
拜鏐杭州防禦使是時楊行密據淮南鏐取蘇常
唐升越州威勝軍以昌為節度使杭州武陵軍拜
鏐都團練使景福二年拜鎮海軍節度使乾寧二
年董昌反鏐以狀聞昭宗下詔封鏐彭城郡王浙
江東道招討使昌遣將崔溫等屯香巖石侯鏐遣

顧全武攻昌新溫昌兵敗全武執昌歸杭州行至
西小江昌投水死拜鏐鎮海鎮東軍節度使加檢
校太尉中書令賜鐵券鏐如越州受命還治錢塘
號越州為東府光化元年移鎮海軍於杭州加鏐
檢校太師改鏐鄉里曰廣義鄉勳貴里鏐素所居
營曰衣錦營婺州刺史王壇叛楊行密遣將康儒
應壇鏐敗儒於軒渚壇奔宣州詔鏐圖形凌烟閣
升衣錦營為衣錦城石鑑山曰衣錦山大官山曰
功臣山天復二年封越王天祐元年封吳王鏐建
功臣堂立碑紀功四年升衣錦城為衣錦軍梁太
祖即位封吳越王開平二年加鏐守中書令改臨
安縣為安國縣廣義鄉為衣錦鄉四年楊渥將周
本陳章圍蘄州鏐遣弟鏐鏐鏐救之大敗本等乾化
元年加鏐守尚書令兼淮南宣潤等道四面行營
都統制貞明三年加鏐天下兵馬都元帥開府置
官屬唐莊宗入洛賜鏐玉冊金印鏐以鎮海等軍

節度授其子元瓘自稱吳越國王
長興三年卒年八十一諡曰武肅

錢元瓘

五代史吳越世家原名傳瓘字明實少為質
於田頔頔叛於吳楊行密會越兵攻之頔戰

死元瓘得歸鏐臥病諸將皆曰元瓘從王征伐最
有功請立之鏐召元瓘曰諸將許爾矣襲封吳越
國王天福六年卒諡文穆十國春秋處州刺史盧
約弟佶寇永嘉傳瓘承王命伐永嘉佶列巨舟四
十艘於清澳海門以邀我師傳瓘謂諸將曰賊銳
卒盡在此矣姑弗與戰當由他道竟襲賊壘出其
不意必成擒也於是自安固江登陸而襲之遂斬
佶資治通鑑吳行營招討使李濤帥衆二萬出千
秋嶺攻吳越衣錦軍鏐以傳瓘為北面應援都指
揮使救之千秋嶺險狹傳瓘使人伐木以斷吳軍
之後而擊之吳軍大敗擒濤以歸吳遣宣州副指
揮使花虔將兵會廣德鎮使渦信屯廣德將復寇

衣錦軍傳瓘就攻之拔廣德獲虔信以歸文獻通
考錢鏐大舉伐吳以傳瓘為諸軍都指揮使帥戰
艦五百艘自東洲以進吳遣將拒之傳瓘命每船
皆載灰豆及沙戰於浪山江吳船乘風而進傳瓘
引舟避之既過自後隨之吳回船與戰傳瓘使順
風揚灰吳人不能開目及船舷相接傳瓘使散沙
於己船而散豆於吳船豆為戰血所漬吳人
踐之皆僵仆傳瓘因縱火焚吳船吳兵大敗

錢弘佐

十國春秋字元祐文穆王第六子天福六年
即王位開運三年南唐李景攻閩閩李弘達

更名達遣將徐仁宴等奉表稱臣乞師王召諸將
計事諸將皆不欲行惟內牙都監使水邱昭券以
為當救王曰吾為天下元帥曾不能恤鄰難將安
用之命昭券專掌用兵內都監使程昭悅掌應援
餽運而以軍謀委丞相元德昭遣統軍使張筠趙
承泰將兵二萬水陸救福州十一月兵至福州自

晉浦南潛入州城唐兵進據東武門禦之不利十二年三月王遣將余安自海道救福州兵至白蛾浦海岸泥淖方布竹箬以行唐軍聚射之箬不得施縱兵登岸大呼奮擊大破唐兵獲其將楊匡業蔡遇等器械數十萬遂引兵入福州李達舉所部歸附五月凱旋王饗將帥於光冊堂賞賚有差六月王薨

諡忠獻

錢俶

東部事畧字文德吳越王佐卒弟倣倣廢俶時鎮浙東遂渡江襲位漢授以東南面兵馬都

元帥仍領鎮海鎮東節度使至周以天下兵馬都元帥處之宋興改大元帥開寶六年倣募吏入貢太祖謂之曰汝歸語元帥常訓申練兵江南倔彊不朝我將討之元帥當助我無惑人言云皮之不存毛將安附命有司造禮賢宅以待兩浙江南之先來朝者王師討江南以倣為昇州東面招討制

置使李煜貽書於俶曰今日無我明日豈有君一
旦易地酬勳王亦大梁一布衣耳俶以其書來上
加守太師又遣大將沈永禮率兵隨王師平潤州
詔俶歸國江南平俶來朝太祖待俶甚厚自晉王
宰相及中外臣僚上章請留俶太祖曰俶委質來
朝若利其土宇而留之何以示信於天下及俶歸
國太祖以黃絹封文字一複付俶曰侯到國即開
之俶至國啓封皆留俶章也俶上表謝太平興國
三年復來朝遂以國歸有司太宗改封俶淮海國
王以禮賢宅賜之俶以天下既平求去元帥之稱
從之改漢南國王雍熙四年出為武勝軍節度使
徙國南陽既又辭國號改封許王端拱元年薨諡
懿曰忠

成及

吳越備史字弘濟錢塘人咸通中捍山賊逐齊
寇隸八都以富春鎮為靜江都將屬劉漢宏作

亂與武肅王同事攻討漢宏鎮將孟安謀亂即席奮劍直犯王及舉胡牀制之因執孟安就戮復為靜江鎮將光啓中命征潤州薛朗常州刺史丁從實具牛酒犒師遺美女於諸將及取而斬之餘悉不納因克之尋平潤州授充常州防禦使尋為蘇州刺史乾寧時淮人圓姑蘇常熟鎮將陸郢巡檢郭用與其黨趙邯以城應城陷及至淮南楊行密辟為行軍司馬及曰以百口托於錢塘不幸城陷至此豈宜復以本道符竹授富貴於隣境乃引佩刀自刺行密遽止之厚禮而歸焉署鎮海軍節度副使天復中王巡衣錦軍命武勇都將士治溝洫軍中作亂及護王駕迴至北郭王微服將入城及乃代乘王車行與賊鬪王遂得入累授保大彰義等軍節度使

杜稜

十國春秋字騰雲新城人唐乾符廣明間盜賊寇掠兩浙杭州練諸縣鄉兵討之稜為東安都

欽定四庫全書

浙江通志

卷一百七十一

將更號武安營八都董昌為長武肅王副之僖宗
拜王為杭州刺史推薛朗為帥王命稜與成及
其帥周寶奔常州浩推薛朗為帥王命稜與成及
阮結討之敗其將丁重德趙君度取常州奉實歸
杭除常州制置使大順二年王以淮南數侵邊境
令稜築東安城自固稜相險易度資用因山為城
環城以池越十月而訖事王領鎮海節度使稜充
副使王討董昌乞師淮南將田頌安仁義
率眾攻東安稜憑城自守會之水穿井百尺不得
泉稜熙禱於神泉即湧地出顯仁義號勇將樓櫓
翔空天石交迸稜隨機應敵斃淮南兵於城
外者無算唐進稜行軍司馬累官潤州刺史
阮結十國春秋字韜文錢唐人唐末杭州建八都結
亦與為副馬結出入武肅王左右號親校中和
二年以征劉漢宏功奏授散騎常侍光啓三
年征常州又平潤州四年充潤州制置使卒

吳公約

十國春秋字處仁餘杭人黃巢之亂杭州八
都既建已而析號十三都公約其一也初負
膽畧為縣豪會朱直起兵應募西討以功置西桂
鎮過使未幾從董昌禦黃巢於西都加御史中丞
奏置都額改峽石為訓兵之所推鋒破銳日有聲
稱武肅王破越州公約驍果先登兵罷拜千牛衛
將軍劉浩平錄功擢散騎常侍徐約陷蘇州王委
公約專征授北軍諸軍行營招討使克蘇州授義
和鎮遏使兼本軍水陸都遊奕使淮人侵擾公約
并禦疆域屢挫敵鋒遷工部尚書俄改刑戶二部
乾寧四年卒

馬綽

吳越備史餘杭人初與錢鏐俱事董昌昌使鏐
間部伍亡其名籍鏐因歷唱之存亡健悍皆無
遺失綽密謂鏐曰老子忌猜駭公強記當必相圖
乃以白紙數番授鏐若代軍籍者鏐深德之因以

其妹歸綽綽隨昌於越州尋棄家奔鏐授諸城都
指揮使徐綽之亂綽有發懸門功鏐命子元瓘納
綽女綽累職鎮東軍節度副使兩浙行
軍司馬睦州刺史雄武軍節度使卒

曹圭

曹師魯

嘉靖仁和縣志圭少有膽氣唐末仕
吳越為嘉興都將淮人固嘉禾圭與

其族人師魯守之淮人望氣者曰此雖孤城中
貴人不可圖也嘉禾平以功授蘇州刺史開平中
淮人復圍姑蘇屬正月望夜師魯第盛陳燒燈之
宴賊俘執者咸縱觀之圭以浙西營田副使終於
蘇州師魯形短小而多智鏐嘗稱
曰今之晏嬰人因號為曹晏嬰

吳敬忠

十國春秋於潛人從武肅王以八都兵討劉
奉捷而歸王封吳越兩國敬忠先登陷陣
兄順以功擢鎮海軍保城都指揮使弟訢子八人

欽定四庫全書

浙江通志

卷一百七十一

仕本國
皆貴顯

錢元璚

吳越備史字德輝武肅王第四子起家授沂
王府諮議參軍累遷散騎常侍馬軍廳事指
揮使天復二年徐綽叛顧全武請秦王子之邗溝
武肅以淮帥常請結姻好乃遣元璚微服為全武

僕而去比及望亭有逆旅媼識之至潤州安仁
義亦知其非常將以其下十人易之全武懼因略
關中宵而去及抵邗溝指陳逆順之理淮帥為之
動容即日遣使命田頌還軍廣陵尋逆婦而歸後
累征縉雲新定皆有功授邗州刺史尋征吳興高
遭及攻東洲復授睦州刺史遷蘇州累授中吳建
武等軍節度使太傅同中書門下平章事侍中中
書令文穆王即位以王兄尤加禮遇封廣陵郡王
卒諡宣義

杜建徽

吳越備史稜子少強勇嘗於山莊構小節齋私署軍州押衙紀於棟稜加督責對曰大丈夫

夫何止一軍事押衙耶稜歸武肅王建徽以父命盡心於王稜在常州為淮南所逼建徽馳赴父難未及境而城已拔乃率部還新登及稜自淮南歸軍中嚴整無改稜稱之累從征伐皆單衣入陣賊衆無不披靡軍中謂之虎子徐綰之叛馳入援賊將聚木焚北門建徽持火鉤取其木先焚之賊計遂罷睦州陳詢叛王以建徽為詢姻姪使馬綽伺其意建徽曰陳氏負恩背義徽既姻姪義當見疑然累書敦諭皇天后土苟或鑒照則拔城獲書方明徽心耳俄有睦州廳吏來降持建徽所遺書至王嘉歎久之每朝會王必指之曰此杜丞相今日忝有一方多其力也忠獻王時建徽春秋高尚能騎射嘗從擊毬於廣場興酣有宿中箭鏃自臂中飛出人皆壯之歷官自武安都將至涇源昭化等

軍節度使吳越國丞相
封耶國公年八十八卒

曹仲達

吳越備史圭子少時圭嘗節其衣食雖嚴冬尚未挾纊品膳悉與僕隸等又日令運甕武

肅王見而奇之以妹儷焉累授台處二州刺史文穆即位命仲達權知政事國建拜丞相忠獻王即位復攝政事時大喪中外軍中有言不均者輒舉仗不受賜諸將不能制仲達諭之因皆釋仗而致謝卒謚安成

水丘昭券

傳詳忠臣

宋

錢惟濬

宋史新編字禹川椒子裁數歲俶表授節度副使檢校太保宋初領建武軍節度加至太

尉後授鎮東等軍節度大軍征金陵惟濬從椒下
毘陵以功加平章事太宗即位加兼侍中椒獻地
從淮南節度加檢校太師從平太原征幽薊又從
幸大名雍熙中歷鎮安州端拱初封肅國公加兼
中書令淳化初卒
追封邵王謚安僖

錢惟治

宋史新編字和世琮子椒養為己子累遷檢
校太保台州團練使乾德中制授寧遠軍節

度檢校太傅與惟濬節旄同日而至國人榮之王
師討江南惟治從椒率兵下常州策勳改奉國軍
節度使太宗嗣位進檢校太尉椒既納土惟治歸
朝改領鎮國軍節度雍熙三年大出師征幽州命
惟治知鎮定軍府事兼兵馬都部署訓兵饗士勤
政務累上表請罷節鎮鎮優詔不許景德中轉右武
衛上將軍累加左騎衛上將
軍左神武統軍卒贈太師

孫承祐

宋史吳越世家錢塘人倣納其姊為妃因擢處要職累遷鎮海鎮東兩軍節度副使知靜

海軍節度事開寶初隨倣子惟濬入貢詔授鎮東鎮海等軍行營司馬王師渡江詔倣以所部會攻

常潤承祐從倣克毘陵功居多太平興國中倣獻其地從承祐泰寧軍節度使五年從幸大名留知

府事雍熙二年改知滑州卒贈太子太師

崔仁冀

續資治通鑑長編字子遵錢塘人事吳越為通儒院學士太祖召吳越進奏使任知果令

諭旨於其王倣曰元帥克毘陵有大功俟平江南可暫來與朕相見仁冀告倣曰主上英武所向無

敵今天下事勢已可知保族全民策之上也太平興國三年倣入朝與仁冀決策表獻所管十三州

一軍以仁冀為淮南節度使

錢禹卿

昆補之錢禹卿墓誌字仲謨曾孫以父任為太廟齋郎調雲安尉徙令繁昌改大理丞

擢通判霸州遷通直郎在霸州有告權場火者眾相傳遼兵至守陴警備禹卿曰何至是遣捕之果小偷也在環州屬靈武用兵守辟禹卿提舉糧草夏縱抄而禹卿崎嶇獨全霸環西北要害郡朝廷方欲用之而禹卿於元豐五年卒

沈晦

宋史新編字元用錢塘人邁之孫宣和進士除校書郎遷著作佐郎金人攻汴京從肅王樞出

質幹喇布軍還為給事中高宗即位除集賢殿修撰歷知建康府紹興四年為廣西經畧兼知靜江府先是南州蠻酋莫公晟歸朝授本路鈐轄羈縻之歲久遁去旁結諸洞蠻為邊患晦招誘諸酋喻以威信皆詣府請降晦擒遺之結誓而去自是公晟孤立不復犯邊晦在郡歲買馬三千匹進獻猷

閻學士召赴行在除知
衢州改潭州奉祠卒

俞灝

咸淳臨安志字商卿世居杭登紹熙四年第仕
淮東宣撫佐畢再遇救山陽灝料金必窺采石

請回軍石梁河以遏其鋒金檣虛不入而遁再遇
知揚州盪平湖海多灝計畫再遇欲誅脅從者灝
救活甚衆開禧議開邊灝言輕脫寡謀之人不可
信趙良嗣張覺往轍可鑒歷秉旄節皆有聲實慶
二年致仕

元

許懋

嘉靖海寧縣志字國器元李值歲饑發家儲振
貸復以萬戶長督海運抵大都授杭州路治中

不就紅巾賊起懋倡
子弟義勇力戰却之

明

楊寧

獻徵錄字彥謐錢塘人宣德進士拜刑部主事
正統己未隨征麓川師次境上賊遣人款軍門

約降主將欲許之寧曰不可兵未加而敵降是誘
我也弗聽曰必欲許之請嚴兵以備不虞衆謂寧
迂檄令督運於金齒不旬月賊衆奄至士卒多陷
還京將兵者率被遣寧陞郎中辛酉大舉伐麓川
總督王驥仍以寧行寧督戰渡江攻上江賊砦賊
矢石如雨寧奮不顧身督戰益力士卒咸用命遂
克之又進攻杉木麓山賊柵險拒守寧曰賊狃於
前勝當多方以誤之使不暇併力乃可圖驥用其
言令諸將各視形便以進諸道俱奮連破七砦乘
勢搗賊巢圍之因乘風舉火烟焰漲天賊不知所
為死鋒鏑及墮崖溺水者不計其數師還陞刑部
右侍郎奉命參贊雲南軍務至則練兵伍督耕屯

懷撫遠人民夷悅服時麓川賊首逸於緬寧簡銳師若將有所向者先遣使奉詞責緬緬人懼求出賊自效卒誅大寇亟其首以獻還朝未幾閩浙東廣寇竊發江右密邇三境命寧巡撫寧至按視郡縣當賊衝者增城垣立排柵以斷要路團集鄉兵訓以武藝賊有侵軼者輒擊斬之以故賊聞風畏避不敢犯景泰初還京拜禮部尚書調南京刑部天順改元致仕尚

鄭顥

獻徵錄字士昂錢塘人宣德舉人授江西樂安縣教諭邑無賴曾子良輩嘯聚大槩山顥率民

兵出戰賊潰邑賴以寧擢監察御史陞雲南按察司副使時麓川思機發不靖靖遠伯王驥薦顥參贊總兵征南將軍沐昂軍務苗賊攻圍貴州地方告急顥曰唇亡則齒寒即與總兵調兵策應賊聞之宵遁烏撒畢節赤水永寧站路營堡被賊燒燬遣指揮使楊濬率軍整葺之騰衝與麓川接壤添

設衛所顯區畫布置立營以居分田以耕立市井
有無相易保障益固陞大理寺少卿督運糧餉陞
右僉都御史參贊如舊思機發竄伏緬甸朝廷欲
發兵征捕顯奏遣都指揮等官往諭之緬甸即出
思機發之母于妻女械送京師陞
左僉都御史調福建按察司副使

沈慶

嘉靖餘杭縣志字仲會學博才膽尤精兵法宜
德舉人官翰林院五經博士大學士陳循薦宜

大用陞湖廣按察司僉事時靖州五開等處苗賊
生發把截道路慶相地設官鑿山濬河自偏道鎮
直抵黃平迂道千餘里據壕立兵以地利制賊賊
李珍蒙能大肆猖獗慶親率兵突陣殲厥渠魁擒
其黨二百餘人陞本司副使巡邊整飭兵備成化
初復領漢土官兵十萬餘衆進攻臘屋桃林武岡
南洞等處一鼓擒獲賊境悉
平進階亞中大夫請老歸

鄭暹

天啟贛州府志錢塘人正統初由鄉舉任贛州通判十三年閩廣盜起暹躬率丁壯萬餘人設

法防禦境賴保全
趙陞知府

王業

兩浙名賢錄字時泰世襲仁和衛副千戶祖父世其職業年十六襲職京師適車駕北征例當

扈從業在軍中動循紀律而勇畧過人既凱還任吉安專督屯事而一軍政務咸咨焉梅花峒寇作業往平之永豐大盤山賊首曾子良聚衆劫殺即守陳本深謀於業業奮然曰兵固不敢擅調然民患之急如此可坐視乎古有先發後聞者即日選精兵二百餘人倍道以行或諷其急業曰彼賊烏合之衆耳若少緩則有備猝至逼其營壘一鼓而勝之捷聞陞本所正千戶閩浙寇起遣大將寧陽侯往討之吉安軍當調業統以往從都督劉某殺丁公崖賊大軍潰而業軍獨全因歎曰吾不得用

其智而徒制於人上不能為朝廷殺賊下不能為生民除害何以為人臣遂以鬱憤卒業為人輕財好義撫馭士卒嚴而有恩臨陣勇氣勃發目光如電橫戈而往前無堅敵有古名將風

蔣琳

成化杭州府志錢塘人驥子清強鷙銳勇於立功巡撫貴州提督總兵軍馬先是草塘寇叛官軍屢挫琳至計須獮難而總兵以下難之琳乃躬為之奮率先以征一鼓直抵巢穴掃汛而還璽書褒嘉有忠誠謀勇盡心為國之語自是諸苗斂畏後坐于謙黨論死

崔端

兩浙名賢錄字惟正海寧衛指揮僉事偉軀幹多膂力精騎射景泰間倭入貢還所過求索至攘敵手刃人浙藩檄端防護端耀兵戢旅臨之以威倭酋帖服無何處婺山民相扇弗靖部督徐恭統兵剿之聞端才檄為前鋒端率勁兵擣其巢生擒賊首陶得禮上功幕府進指揮同知備倭把總

分守浙東端感激自奮水陸之行無一日休而勞頓困憊疽發於背疾革大呼曰大丈夫不以馬革裹屍竟死於牀第間乎言畢而逝

彭信

杭州府志字中孚仁和人景泰進士巡按廣東時嶺南未靖武將專征頗易信儒生及出師誓衆為帥指陳方畧揆度事機切中肯綮卒之殄滅狡寇兵無挫衄信功為多俘奏帥以所得賞讓信

信曰吾文士也吾身有階奚以武為人多其不代改按陝西成化初擢順天府丞卒於官

洪鐘

毛奇齡洪鐘傳字宣之錢塘人成化進士授刑部主事江西福建賊新定鐘奉使安置歸言福

建武平上杭清流永定及江西安遠龍南與廣東程鄉率流移混雜習鬪爭以武力相尚故易亂宜令有司立鄉社學銷兵器教之詩書禮讓以化其姦慝時謂知本之言弘治中陞四川按察使時安

氏世據馬湖恃力為一方患鍾設策去之而請吏治其地歷陞右副都御史巡撫順天兼整飭薊州諸邊備鐘增築邊牆自山海關界嶺口西北至密雲古北口黃花鎮直抵居庸延亘千餘里繕復城堡二百七十里悉城沿邊諸縣使各有所守改雲貴巡撫督理漕運正德中以左都太子少保出總川陝湖北四省軍務時沔陽洞庭水寇邱仁楊清攻掠城邑鐘調土漢官兵分道進剿敗賊於麻穰灘賊平藍五鄙老人倡亂烏合十萬餘人鐘督兵進剿賊敗求撫然意在緩師依山為營預邀裂營山縣地且欲得旗牌官為質刦掠如故鐘佯許之會藍五以所掠女為己女飾嫁永順土舍彭世麟以結驩世麟白軍門受之鐘令藍五所親鮮于金說五及老人帥賊衆王金珠等二十八人來會伏發盡擒之衆聞變大潰鐘遣諸路兵分道追剿擒斬七百餘人招降十餘萬露布以聞其後上官楊

友楊愛相仇激為變流劫重慶保寧諸州縣鐘隨調兵勦平之進太子少保未幾乞歸嘉靖改元遣

有司勞問

卒謚襄惠

邵梗

閩書字良用仁和人嘉靖進士任福建巡海道駐漳州時海禁廢弛奸民闌出入賈禍召寇梗

下令曰凡奸民為賊間及違禁出物廉有狀者殺無赦羅織相告者勿詰於是反側帖然益濬隍增陴選卒厲兵徙四郊積蓄入城中使賊無所掠倭寇合兵犯長泰選火藥手百人躡擊之賊宵遁又遣舟師攻海寇於月港掠舟入海將遁遣義士沈講斬無算餘寇自月港掠舟入海將遁遣義士沈講率所部兵與官兵犄角邀賊舟於東燈以巨艦衝沈之擒斬二百餘寇盜悉平

陳洪濛

弇州史料字元卿臨安人嘉靖進士刑部主事歷遷江西按察副使九江兵備除戎器蒐

卒補艘完城堞盜起必窮其窟而洗之歷陞右副都御史巡撫貴州兼督川東辰沅諸軍時施州蠻黃中叛跳川東支羅牛欄坪圍剽掠旁郡邑詔洪濛偕楚蜀二鎮合兵討之洪濛自川東率大軍入深箐多張疑兵誘其毒天石殆盡而間道募死士繞出其後急擊大破殺擄千五百餘級焚洞砦百餘蜀兵亦從西北躡之黃中迫挺身跳入楚叩軍門請死當是時貴與蜀有戰功而楚坐得酋首蜀與楚爭功不能決洪濛第謂楚蜀勢異不有勦者誰與撫地不有撫者誰與勦窟且皆天威也三省安得微之疏上大司馬推洪濛能諒而洪濛又與都督石邦憲合策破叛酋楊珂之六洞十二寨悉俘其父子兄弟餘黨歸農者以萬計屬疾疏請骸骨許之當候代傳鎮遠邛水巴狼苗普面等叛與疾剗平御史上前後功賜白金文綺加等

馮觀

海寧縣志字晉叔嘉靖進士授職方郎庚戌之

事觀守西直門撫軍詰奸威令整肅轉武選歷
陞廣東左參政行部樂昌猝遇強賊橫掠從者皆
走觀獨衣冠端坐賊輿之入巢求犒觀正色曰若
不知馮參政耶安得犒賊乃復輿觀出駐韶州觀
於入巢時已窺其要害尋集勁卒十人出不意間
道輦之遂獲巨魁俘其黨
百餘以出事聞擢按察使

吳玘

獻徵錄字汝瑩錢塘人嘉靖進士拜行人歷廣
東布政司參政蒐士卒立保伍明法令察盜出

沒根苗而芟除之境以大寧連寇作督師征之殺
二千餘人降千餘人清遠峽險而多盜以卒六百
人鑿山三十里為梁二十有一舟用得挽以濟籍
民舟之賈於海者什伍為綱紀約寇至共擊之其
去為盜者衆發之不發與坐海寇頃輯玘固
知兵更習吏事會有事安南治益勤以羸卒

顧言

杭州府志字子行仁和人嘉靖進士知惠州府島寇交訐言知千戶王招才勇授以方略擒殺

賊李烏蛇李文冲及其黨千餘人願為農者釋之時又有花腰蜂等三千餘人流劫鄉鎮言圖畫進軍機宜山川險隘為書曰惠陽圖說上之軍府請調發時以潮寇為急兵力未能及惠言乃令辨士入賊巢陳說利害賊感悔悉降歷遷雲南按察使萬厯五年以貴州左布政致仕歸

宋應昌

獻徵錄號桐岡仁和人嘉靖進士知絳州歷進副都御史巡撫山東首請加意防海復營

衛巡司諸舊制萬厯壬辰倭突入朝鮮國王李昫走竄義州拜應昌兵部右侍郎經畧薊遼山東保定等處防海禦倭軍務應昌出關臘月與提督李如松踏冰渡江正月兵薄平壤倭將平行長葉飛樓鑿牆穴守牡丹峯以相犄角應昌指授方畧圍其三門外布鐵蒺藜數重火器齊發毒烟蔽空大

軍舍解樂仰面攀附而上諸門盡破斬首焚溺死者無算行長捲營遁時聚倭三十餘萬當八道之中去釜山十五百里倭不退朝鮮不可復應昌畫依山俯攻之策夜令死士以明火箭射燒龍山倉十三座糧盡倭棄去應昌又遣兵追擊至南原又追及晉州斬級甚衆倭自此仍還釜山舊巢復遠遁熊川西生浦是役也索回王子陪臣宮眷百餘人斬倭首二十餘級克復平壤開城還故地二千五百里甲午三月留劉綬兵居守乞骸歸

郭孝

仁和縣志字可忠嘉靖進士任刑部主事歷湖廣僉事備兵惠潮嶺表盜賊充斥巨寇曾一本

林道乾為之魁巨艦乘風出沒波濤間孝至大修戰具遣人諭以禍福道乾倒戈降而一本獨頑梗不受撫因檄閩廣兵剋日大舉孝親執枹鼓立矢石間士氣百倍遂大破之一本遁去調河南再遷

江西副使分巡饒南饒襟帶長江洪濤千里盜賊剽掠行旅苦之孝增置戰艦星布要津賊即受捕江道遂清嘗獲礦盜數百人悉杖而遣之曰此貧乏者求延旦夕耳不以功聞也尋轉福建左參政過莆陽環視城形三面平曠東南外擁高山城俯接其下孝曰此審實也增闢城址圍其山於城中陞貴州按察使致仕歸

盛德

於潛縣志字大本以明經入太學授南城兵馬司副遷鎮江府通判時海寇王良勢猖獗臺司

命德領前隊往勦德鼓衆乘風夜抵賊舟良驚以為神赴水遁去衆亂遂殲之隨撫其降卒二人為鄉導直搗其巢生擒良以歸大帥湯震駐師四十里外聞報揚帆遽至盡攘其功僅獲賞宴加級尋以疾致仕歸

江鐸

獻徵錄字士振仁和人萬厯進士授刑部主事出守福州歷陞山西參政晉按察使會播酋楊

應龍

反於蜀朝議推鐸僉都御史巡撫偏沅時總

督李化龍

分八道進兵川師四路黔師三路鐸統

楚師

次黃沙國一路分兩翼由白泥由龍泉夾攻

板角

關破之再進破瑪瑙長坎保子等國奪榕木

關進

屯青蛇國遂入三渡關乘勝直抵海龍國海

龍於

諸險中為最賊負嵎時暑雨甚蒙箐中多重

嵐毒

霧師深入而餉不繼鐸改長運為接運每三

十里

設營置運卒數千前運未行後運已束載而

待士

乃宿飽破土月二城應龍自縊論功廕一子

世錦

衣指揮洞蠻皮林在湖貴交與九股苗相接

有吳國

佐者洪州司特洞寨苗也架點無賴通漢

語畧

知文義素往來諸苗洞習其酋酋咸推服之

遂反

合其黨石纂太攻上黃堡敗參將黃冲霄縱

掠屯

堡七十餘時方征播未暇討既平播鐸移駐

靖州命總兵陳璘率副將李遇文等七道以進擒苗酋銀貢等攻破特洞焚之國佐逃天浦追獲之石纂太逃廣西上巖山指揮徐時達誘縛之賊黨楊永祿率衆萬餘屯白冲遊擊沈弘猷等夾攻生擒永祿諸苗悉平初鐸語諸將曰皮林外有衢內有險諸苗營窟甚固非先以文告解散凶黨則渠魁未可旦夕平也下令禁妄殺開招撫明賞格戒騷擾逮進攻又嚴禁各軍之殺奪者以是諸苗歸順易以成功旋以勞疾歸卒贈兵部右侍郎

洪瞻祖

杭州府志字貽孫鐘曾孫也萬厯進士由底吉士為兵科給事中烏江當貴播之界南岸

則烏江闊循江而下北屬播南屬貴水西稍侵界土總督王象乾責水西退出所侵地欲以為功瞻祖謂安氏二百年來與流官無異其兵則勇寇諸苗其人則慙而戀主其地則滇南門戶督臣何故

欽定四庫全書

浙江通志
卷一百七十一

三

爭之且沙溪撮土所爭幾何全播之間得不償失
智者不為也神宗以兵科議是會延綏總兵麻承
恩陳璘納賂兵部尚書有所改授瞻祖疏劾本兵
通賊私污廷議首輔沈一貫不能庇乃得罪去中
察典補嘉定丞擢南行人副歷陞右都御史巡撫
南贛時閩廣黠賊匿深箐中官軍多失利瞻祖檄
諸郡兵分路合勦身歷蠻瘴中越贛渡汀冒矢石
執俘鼓斬賊渠了婆等一千餘人燬員子山等三
十餘巢奪還男婦牛馬器械無算四省合奏
其功而瞻祖已乞骸歸家居四十餘年卒

陳九思

萬厯錢塘縣志本姓鐵始祖堅為元守和州
降明明太祖賜姓陳世襲杭州前衛百戶九

思長身偉幹有氣槩萬厯十年襲職又以武科授
吳淞參將嘗操小舟出沒三江間大盜竄伏輒復
擒獲倭勢披猖沿海亡命相為窟穴一夕悉戮之
轅門與倭戰禦之海上叙功陞永平副總兵歷真

保蘭津等處總兵官所
至有奇績以病回籍卒

盛本一

同於潛縣志字子元萬歷選貢授山東平度州

聽其四掠故弗救密遣心腹投賊遂設伏要害獲
鳳鸞等餘衆悉就撫老稚羅拜曰十年之寇賴公

殲於一旦因
立石頌功

陳起龍

富陽縣志字雲從崇禎進士授建昌府推官
累擢福建布政司參政分守漳南時賊首江

世英等往來剽掠漳潮間起龍修理城具選練精
銳全郡恃以無恐未幾雲霄撫寇告警起龍單車
赴之乃至浦城賊已據盤陀嶺起龍曰險易未習
宿衛未周法當先守後戰乃分隊登陴四門懸燈
布列率先週巡三晝夜口不嘗殮日不交睫賊勢
不支其首徐連等鳩黨數百乞撫起龍度此屬忽

撫忽叛法在不赦當其桀
驚者盡斬之諸寇悉平

許當俊

餘杭縣志崇禎間由吏員任廣東曲江主簿
值流寇圍城據帽頂山俯瞰城中當俊夜簡

壯士斫其營一鼓奪之賊善妖術城門忽自開當
俊急撤屋材沿城樹柵賊不得入又詢知賊間在
城中者啖以重利使反為我用誘妖首近城取賞
伏壯士出不意擒之賊計阻解圍去城賴以全巡
撫張鍾心上其功
陞本省惠州經歷

國朝

吳六奇

廣東通志號葛如少落拓不事家人產明季
從戎委守豐順職山寇

王師

定粵六奇中路迎謁率眾景附授總兵官開閩饒
平會土寇江龍踞大埔鄭儼據湯坑六奇悉討平

之順治十年潮鎮都尚久叛各鎮多從六奇抗不肯附攻甚力潮既恢復紀功獨多

特詔

褒美賜蟒貂刀馬等物以左都督加太子少保六奇在潮修府庠建明倫堂又建鏡平大埔兩學及

置鳳城驛太平公館

卒贈少師諡順恪

謹按吳六奇海

陽籍本海寧人

趙廷標

錢塘縣志字叔文錢塘人順治三年以諸生從軍除福建永定縣知縣境久藪賊廷標至

會迎春東郊廷標覆甲隍間而集諸耆老率兒童

伎樂張綵設伏閭閻都以迎賊不疑有備羣趨之

覆起掩殺環數十里餘賊散去還湖廣衡州府同

知攝府事督撫共薦還常保分守道康熙辛丑備

兵安普撫費楚諸蠻而寧州彌勒州各土官誘諸

蠻反征蠻軍四出以廷標監軍決策行間復故時

維摩地安慰已盤八旬間諸蠻以寧調廣東廣肇
南韶道川湖兩廣八排嶺諸寇聞廷標至立解連
州寇起鎮臣以勒捕方畧委之廷標諸寇聞廷標
至亦即就撫補長沙鹽驛道先是長沙陷賊甫恢
復軍書旁午一切芻茭械杖舟師竿役征徭去來
者絡繹於路廷標砥力辨給不悞晷刻因併理糧
儲道事康熙戊辰選陝西糧儲道以病牒上會武
昌兵變羽書來湘潭廷標強起視事晝課儲時夜
巡警以防竊發累月而病甚旬歸卒於家廣東通
志廷標在粵東盜聞其名輒遁去舊有分巡使者
柴薪錢屏不受給民之芻弱無告者湖廣通志廷
標在楚按士以禮御民以慈除鹽務陋規禁漕糧
夙弊每行部至衡父老
子弟咸曰吾慈父至矣

王玉璽

公舉事實字楚珩仁和人武鄉試第一順治
壬辰會試復第一殿試第一甲第一授福建

都督僉事時海寇屯漳攻泉州興化屬邑惠安同
安告失而漳之南靖長泰漳浦詔安四縣先陷於
賊王壓復惠安同安解泉州圍隨從提督恢復漳
城并四縣王壓以諸邑淪陷且漳城兵燹之餘傾
廢已盡請免諸邑罪民以築城海寇復突陷閩安
鎮直逼省城巡撫宜永貴命王壓偕撫標分頭堵
禦帶兵不滿三百出奇力戰用大砲破賊木城於
西城龍腰斬奪雲梯生擒賊首楊炯韓泰等賊遁
去而城獲全陞陝西延綏定邊都督同知調
天津衛總兵致仕家居三十年年九十卒

嘉興府

漢

朱買臣

漢書本傳字翁子會稽吳人武帝時召行詔
時東越數反覆買臣因言故東越王居保泉

山一人守險十人不得上今聞東越王更徙南行去泉山五百里居大澤中令發兵浮海直指泉山陳舟列兵席卷南行可破滅也帝拜買臣會稽太守居歲餘買臣受詔將兵與橫海將軍韓說等俱擊東越有功徵人為主爵都尉

南北朝

陸黯

海鹽縣人太清之亂侯景遣其將宋子仙攻沒吳郡以偽太守蘇單于守之黯舉

義有衆數千人乘子仙進兵錢唐夜襲破郡殺單于推鄉人前度支尚書陸襄行郡事黯與襄兄子映公帥衆拒子仙子仙還兵來攻戰于淞江時同義者有陸緝戴文舉等黯以鹽人起義破吳因分海鹽胥浦二縣為武原郡不復令屬吳云

五代

高彥

十國春秋海鹽人初與同縣沈夏受武肅王意密謀誅都將徐及其首歸王前後從征多顯

功擢海昌鎮將會湖州刺史李繼徽棄郡蒞淮南彥隨王親巡其地王由是雅屬意彥題詩嬰蘭堂壁曰我以此州授汝奏遷湖州制置使旋升刺史封渤海公

朱行先

朱府君墓誌字縕之開元府海鹽人少親戎律長習武經始隸職於建寧都從高彥所在

征討累有功績尋彥分符雲渚行先亦隨於治所用為心膂鄰境有寇總握兵柄仗劍前驅無不望風瓦解彥卒高禮亂行行先奮臂一呼率眾歸國吳越王鏐封協力勤王功臣尋封佐正匡國功臣加封右僕射仍委之靜海劇鎮行先版築城壘不日而就勞於民卒乘輯睦鎮縣和同恩威並行

綏猛得所以寶大元

年秋終於靜海官舍

謹按來行先墓誌作者姓氏無考
海鹽文獻志僅載鸚名故闕之

宋

王子武

兩浙名賢錄嘉興人初為統軍睦寇方臘作

號十萬子武白太守曰今日之政公職守子武職

戰諸背城借一以報國乃下令簡精銳五百人長

兵在前短兵在後弓矢分左右翼夾射遂啟門鼓

噪而出太守復率百姓登陴搥鼓發喊以助之屋

瓦皆震戰士勇氣百倍以一當百賊大駭奔潰追

奔數十里斬首五千級築京觀五以表其功賊遂

退據臨安不敢北向以窺江淮

者由子武以孤軍遇之之力也

陳之經

嘉興府圖記字仲綸崇德人教授德安會有邊警與諸生習兵法金入寇即將命奉檄求

援夜縋城以出至鄂告宣司發兵二千人又倍道星馳達行在所得兵符調江池孟師齊等軍赴援金遁去陳攻守得失軍政繆戾數十事請加賞罰以肅軍旅時皆壯之

元

楊樞

黃潛楊樞墓誌字伯機嘉興人大德五年甫十九致用院俾以官本船浮海至西洋遇親王

合贊所遣使臣卹懷等如京師遂載之以來卹懷等朝貢事畢請仍以樞護送西還丞相如其請奏授樞忠顯校尉海運副千戶佩金符與俱行以八年發京師十一年乃至其登陸處曰忽魯謨斯云是役也往來長風巨浪中歷五星霜几舟楫糗糧物器之類一出於己不以煩有司既又用私錢市

其土物白馬黑犬琥珀蒲萄番酒之屬以進平章政事察納等引見宸慶殿而退方議旌摧而樞疾作歸家二十載泰定四年起為昭信校尉常熟江陰等處海運副千戶給慶紹溫台漕輓之直力剗宿蠹招徠之弊至順二年陞松江嘉定等處海運千戶命下而卒

明

李文榮

萬厯嘉興府志嘉善人歷太僕寺丞謫戍北平遇靖難以守城功擢江西參議賜以奉天

征討鐵牌一面部內寇發隨宜誅勦既而入覲賜襲衣致仕

彭程

海鹽文獻志襲指揮僉事素負膽畧知天文正統十三年寇鄧茂七據延平程率兵往征十四

年正月哨延平下營遇某帥招飲程移營不赴夜賊偷營不值明發帥問故程曰下營時有怪風占

必有偷營者以故移營軍中欽其神明是時都閫帥大兵屯一山程兵寡傍溪下營寇首朱必森率衆隔溪呼而指之曰我去先殺盡大營回鋒盡殺此營程聞謂衆兵曰賊回我等釐粉矣衆須奮勇盡死力一戰方得生寇乘勝回下溪水挑戰程兵跳足迎之半渡寇鞋襪汙水擊之大敗追數里程初率兵赴沿山園木柵作城以拒寇寇數挑戰軍士郭阿保善舞牌劉蠻驢善使鐵叉郭先跳出木城有騎寇從高斧之郭以牌迎斧隨勢伏地劉繼以叉架其斧郭閃牌起斬馬足寇墜劉刺之斃乘勝進攻寇大敗牌盡黑邊寇望見黑邊牌輒驚曰彭軍至矣急遁去攻後洋寨驚寨山人大竹口嚴家島黃金井累斬首數百級擒首寇三招撫一千二百三十餘九月凱還景泰元年二月寇葉宗留復叛率兵往征五月守永康七月游義沙灘渡大戰十一月次麗水西溪搜山十二月哨白姆沿

滄攻麻洋龍潭破二年五月天井背大戰追至紫
草巷周蔡寨斬首無算擒首寇五三年陞指揮同
知

金禮

正德嘉善志字敬之景泰進士授部郎陞雲南
參議時鐵索箐土寇竊發大肆剽掠禮親為率
兵建策討之抵賊巢折馘不下數百渠魁數十亦
相繼成擒民逃竄者布令撫集邊方以寧陳情終

養歸

陶照

獻徵錄字時明秀水人弘治進士授主事出為
廣東僉事時大盜唐大騷起惠潮梁閩環起清
遠照察土兵陳時亮有才識召入授以進止衷糧
逮捕廣中悉定改四川參議藍鄙作亂蜀人驚擾
先是道過新都地衝而無城即日命城之城畢而
寇至人賴以安陞副使備兵威戎威戎邊郡瘠耗

而守臣余參將者性鷙酷日鞭撻軍吏羌夷聚四
萬衆謀奪衆將照單騎出撫諭以威福衆泣拜辭
散乃繩衆將部下以歷羌夷心而衆將快快弗平
反誣照致變竟罷歸數年復官河南陞雲南右布
政時有盜稱大眼者衆橫行岨峨
間照至即平定之陞四川左布政

姚鵬

兩浙名賢錄字鳴南崇德人弘治進士授龍溪
知縣陞工部主事歷知韶州府時廣寇高快馬

長朱白毛者嘯聚數千餘人焚劫州縣當道以鵬
才請於朝特給令牌便宜進討甫三月而殲其魁
餘黨悉平又土酋岑猛據險犯順莫敢撓其鋒鵬
身入其巢百計開誘圖其形勢而出提督按圖期
會進兵除勦摧福建鹽運司
使尋陞山東布政使以疾卒

陶炳

萬厯嘉興府志嘉興人世襲海寧衛左所百戶
喜談兵工騎射正德初以將材舉從討開常累

征蔡六二王浩八陳邦四
俘獲甚夥陞本衛正千戶

王三錫

桐鄉縣志字汝命嘉興人嘉靖進士任保定府推官守制歸里家桐鄉適倭寇數萬至叅

將宗禮軍覆皂林督學阮鶚移鎮邑城賊首徐海陳東等四處結圍攻甚急鶚同令金燕趣召士紳共議守禦三錫散千金懸賞招募敢死士夜出劫賊多所斬獲海製雲梯二座夜牽其一於城下焚之其一傍北水門樓高於城數尺賊鎗已進壕矣時用鐵鎔汁灌灑之賊墮樓死者甚衆海計畧窮東人力為撞未攻東水門賊幾陷有為緝挽計者三錫親挽之船來不得去隨用銃鉤布索縛而鋸之賊懼宵遁相待月餘流矢貫髮九石過脇下終不肯避事平鶚薦於朝不果用

馮臯謨

海鹽縣國經字明卿海鹽人嘉靖進士授刑部郎歷廣東左叅議分守惠潮賊張璉據銃

平西聯大埔蒲雲峯程鄉林朝曦而外與倭寇及
海盜相犄角督府以臯謨行兵備事先計招海寇
王伯宣協力遂倭復用吳孝廉說降雲峯璉勢孤
遂成擒久之朝曦亦敗三穴盡平是時督府以兵
七哨進攻臯謨統烏槎哨居中功最多擢福
建左叅政歸後臺臣數以邊才薦卒於家

沈伯龍

分省人物考字雲卿嘉興人嘉靖乙丑進士
為內江令有惠政時直指貪悍數伺其隙而

不得及伯龍內召將行直指盛氣而前盡發其行
索止俸數金直指赧顏退補禮科給事中出守川
南會有九絲之亂九絲負險以抗有司束手不敢
問伯龍奮然語諸從事曰人臣委身事君政在今
日諸君更何待耶諸將皆奮遂躬自督陣親冒矢
石捷聞陞俸一級時番獠作叛督撫以兵五萬專
屬之伯龍謂解甲未久不堪復戰遂呼獠衆諭以
國威獠歡呼動地縛三渠魁以獻仕至山東按察

使歸

吳鵬

萬厯秀水縣志字萬里秀水人嘉靖進士叅議

謝罪安南遂定黔賊陳日輝據險以叛鵬親冒矢石率驍將擒之諸洞悉平督理漕河師尚詔攻陷歸德鵬倉卒調兵擒其梟將王千仞等賊宵遁斬捕無算陞工部尚書

朱先

萬厯嘉興府志秀水人膂力膽氣辟易千人嘉靖間胡宗憲懸賞格購倭首先手刃凡數十以

首級獻不受賞曰丈夫志在立功何以賞為宗憲奇而用之歷疆場凡四十年累官總兵絕聲伎之好亦不置田宅園圃輕裘緩帶有古儒將風

金丹

萬厯秀水縣志嘉善人居秀水少為諸生喜談淮陰睢陽事龍韜虎鈴無所不窺尤精著數會

倭寇內犯制府檄為問謀嘗從戚繼光行間多所俘獲累功官至叅將已而家居人不知其為故帥云

馬千乘

嘉禾徵獻錄字國良平湖人隆慶進士知分宜縣歷遷廣東僉事所屬羅陽山洪流深塹

為盜賊嘯聚會兵勦平之歷廣東按察使值黎人叛聞千乘在粵威名遂解散去秩滿歸卒

馬繼武

萬厯嘉興府志海寧衛指揮呈圖子呈圖與倭戰死繼武每以父讐為恨萬厯八年四月

有倭船泊岸繼武親督官兵戰於西磯海洋犁沈倭船生擒倭數十親斬酋首徭戎郎又於大陳洋岐外生擒倭數名斬首數十師旋松門設父呈圖位集前後倭首列祭於前慟哭再拜推江南副總兵累陞都督僉事提督大教場水陸官兵總理備倭等務卒於官

盛萬年

嘉禾徵獻錄字伯恭秀水人萬歷進士授刑部主事歷遷廣東叅政分守嶺西辛丑四月

倭寇吳川邑故濱海憑限門為天險閩有海船名曰鵬者往來貿易奸徒勾倭藏其中入限門登陸焚劫萬年購義勇配狼兵協力出戰賊宵遁五月倭大舉寇雷州萬年在高州聞報曰高雷相去六百里從陸往賊必知之非拒則遁若從海道一日可至出其不意必成擒矣乃料戰艦六十艘揚颿抵雷倭方踞民廬轟飲官軍從市口撤屋而焚之賊奔突不得出殲馬六月倭寇廉州萬年又令遊擊黃某拒之俘賊五十沈其艘艘二自是賊不敢復寇粵制請添右江監司部議以萬年往建署賓州時柳賓剗賊寇暴名土司黃文輝授以方畧出奇搗其巢攻破石牌中埠邑敲邑兩等寨賓州平惟遷江縣洛春感岸中謝等賊桀難制萬年請調廣東兵二千束會於賓佐以本營分路搜賊寨

深入俘斬二百餘悉招降遷江亦平時郴州劉天
仙陸大成等賊謂官軍急賓未暇及已萬年別撒
土司各以計擒其渠魁餘皆潰散郴州平明年巡
至郴州謀報賊衆數千將以夜半渡江乃令移舟
載火具夜往伺賊半渡而擊之賊大潰
自是遂無賊患遷江西按察使致仕

賀萬祚

朱彝尊賀萬祚祠堂碑字孝延秀水人萬厯
進士歷遷山東按察使僉事提督學政妖賊

徐鴻儒倡白蓮教遠近煽惑萬祚佐巡撫指畫卒
以決勝遷廣西布政司叅政分守左江道土寇胡
扶記為亂萬祚以方畧獲之招降莫敬龍所部千
人置之內地別部帥扶黎三以兵出掠敬龍生擒
以獻羣蠻懾服境內盜賊悉平鎮安土司岑繼祥
與歸順土司岑大倫為仇潛通安南莫敬寬密以
騎象掩殺大倫却官男州印去當事者欲徵功謀
討安南萬祚曰鎮安土司世受冠帶一旦敢為禍

首舍此不問問安南非計也宜治鎮安以漢法詰責安南聽其服罪當事者從其言歌寬果輸服送還官男州印轉江西右布政使分守嶺北道流賊方肆焚劫圍定安破安遠萬祚至相視羊角口背諸營堡賊聞有備引去

朱泰楨

嘉興府志字道子海鹽人萬思進士授龍巖知縣擢御史巡按雲南黔寇斷滇道泰楨自

成都發蜀中兵開道建昌踰大小丞相嶺絕金沙江擒賊首烏利長驅入雲南水西川東烏撒三大寇合數十萬犯雷蓋守兵僅六千泰楨董率道將擊走之斬首數千水蘭烏三大寇復犯矣方泰楨樹柵為城設伏待之賊殊死鬪諸軍驅象陣橫擊之賊大奔擒奄戈賓俘斬之築四石城於矣方曰懷德畏威招攜懷遠樹京觀立銘紀功焉黔國公啓元不奉法泰楨獎誘啓元共理兵事滇黔以安

謫徽州府知事陞南
京刑部主事卒於官

項夢原

嘉禾徵獻錄字元海嘉善人萬厯進士授刑部主事歷遷山西副使備兵懷隆鎮距京師

止四百里又為陸寢肩背而羣帥暨諸偏裨合計
兵不滿三千夢原自以家世起武功誓死盡職至
居庸關間有鼓噪者令帳下問變答曰宣大兵非
我汎地夢原曰等王事耳張巡守睢陽李騎戰順
昌豈皆汎地乎單騎問之衆訴以衣食未充夢原
諭以五日為期衆惟騰叩首如期給發令就道掃
漢與教目七慶毛乞炭兄弟來侵夢原預為備命
守備高璉率勁兵拒之乞炭中大炮死數日逼城
下斬其九級又合衆數萬攻永寧且及延慶夢原
遣千總馬如蛟叅將王應祥等統師馳擊之合戰
數日殺傷甚衆射中七慶墜馬
以捷多傷亦多論降一級歸

許士奇

嘉興府志字雅正海鹽人萬歷進士為黃州推官累遷成都知府值奢崇明亂後士奇陟

陝安集之推川南副使時蘭酋合諸巨寇焚劫黔

中制府檄士奇搃蘭援黔士奇監將吏練士卒築

城興屯守禦備至蘭酋合水西據險轟古甯中陡

峻不可攻士奇搆離其黨與遂破巢殄滅之陞楚

泉推布

政使

康承爵

嘉興府志字德徵萬歷武進士授衛鎮撫遷浙撫中軍陞神機營遊擊清勾羽林軍時魏

瑞用事承爵力求外補出守廣東破惠州山寇葉

文林海寇劉香等轉廣西右叅平龍山賊崇禎初

分守台金嚴破海寇張弘銘捷聞

晉秩副總兵明亡遂歸死於當湖

陸敷錫

嘉禾徵獻錄字德承嘉善人以任為光祿正遷柳州通判署象州事安仁土司何公思等

聲言花蘆古陳諸賊倡亂請為朝廷除之其實欲藉是剽掠為奸邊地居民騷然聚眾數萬與土司相攻殺上官遣吏往慰諭之不解賊曰即欲撫我須陸通判來數錫單騎往撫遂帖然散去尋署賓州事時斷藤峽雖平然道險民少間為山賊竊踞數錫乃相要害移置衛所一十九處由是山賊遠遁桴鼓不聞

以母老乞歸

姚以誠

嘉禾徵獻錄字表一嘉興人天啓副榜入國學授蒙城縣丞流寇剽掠近境知縣托故去

以誠攝縣事嬰城固守流民被害奔城者悉紉之門甫閉賊大至圍城十日募壯士出奇兵擊之賊去未幾檄解通州急餉至通兵部侍郎仇維正復檄令解部戶部尚書侯恂左都御史唐世濟交薦之授南京兵馬司指揮引疾歸

柯元方

曹學佺柯元方墓誌字月傳嘉善人崇禎進士授建寧府推官署篆甌浦浦城接壤壽寧

江山蘇龍賊盤互剽掠元方募壯勇設關謀擒賊首五大王餘黨竄伏元方還郡監司債師顧以遺寇啖元方坐鐫一級已而賊嘯柘浦約日取浦城元方詢知之午夜勒郡邑兵分道掩捕質明七十餘酋反手就縛諸大吏驚相告曰是果能辦賊非縮朒縱賊者當元方鐫級時屬邑令夏允彝與直指抗辨而閩人亦相率訟言之卒用得直解官歸居十五年而卒

方戡之

嘉興府志字耆定海鹽人以世官陞南京大教場坐營都司大閱營兵挾餉離伍歷階上

戡之按劍叱之兵遂巡退密告司馬捕斬亂首擢瀏河遊擊金山參將轉臨沅副總兵安奢二賊梗滇黔戡之自廣林烏蠻灘越棧度崑崙關自交趾界達臨安扼守楊林水箇烏寇大至進屯馬龍州

掘塹設伏對山多張旗幟以疑之賊閉壘不出
之驅象馬直衝之賊大潰斬首四千級捷聞陞漳
泉副總兵策普名聲必反瀕行告之黔國及撫臣
既至漳將舟師逐鍾斌合鄭芝龍烏尾船圍之斌
窮蹙沈海死舟積金銀七船戢之禁官兵秋毫無
取捷聞論功名聲稱先見雲撫錢士
反黔國上其書稱先見雲撫錢士
晉議起戡之討名聲以老病辭卒

馬孟驊

嘉興府志海鹽人工騎射以世官歷陞鎮浙
總兵官時海寇劉香流突浙閩三省會勦孟

驊督兵出海香敗死於閩其父鳳以
餘衆詣浙降鎮浙六載海氛寂然

國朝

錢江

鄉賢留祀冊字珥信秀水人順治己丑進士歷
官山東提學道改陝西岷洮道贛州府志順治

庚寅江知瑞金縣縣有劇盜三曰陳其綸許勝可
僧超忠忠據銅鉢山聚僧兵千餘江廉得忠之仇
為盜老移檄營將勒兵討之佯諭忠使助官兵擊
賊自効忠喜殲其仇也信之以百餘騎來赴復遣
人說之使偕數騎間道疾行來謁條畫賊情行數
十里伏兵中路縛之餘黨駭散因諷其綸曰汝地
險衆勁孰與銅鉢不釋甲且為超忠續其綸懼出
租稅用吏教猶間與其徒偕交仇殺既而掠商賈
市物會閩賊劉芳羅承俊等率衆附勝可嘯聚羅
漢巖江請於虔撫大發兵勦之甲午八月大兵至
江誠其帥曰賊據絕險攻未易拔當長圍以困之
帥如誠賊既窘江察軍中與勝可有舊者遣往諭
降勝可欲就撫而餘黨多不服江語帥曰當乘其
懈疾擊之遂潛師夜進果擒勝可及閩賊十三人
斬賊以千計帥旋江預訂來歲師期密陳幕府乙
未春虔撫出師聲言援漳實圖其綸遣別將將兵

直趨縣境江會之進兵大柏山親部勒鄉勇攻其北赴漳之師轉而繞其南陣獲俘斬無算其綸潰圍走移詣將分地搜捕獲之於烏橋嶺一時賊渠皆被擒無一脫者江在任興復雲龍橋民不病涉均里役俾貧富無相貿政績多可紀

陸翔華

廣西通志嘉善人順治進士十四年任鬱林州知州時李定國餘黨未散侵擾諸州縣鬱林叅將提兵遠出賊乘虛猝至圍城翔華率衆登陴固守賊攻不克引去大兵在陸川勦賊者苦糧不繼翔華運米充餉卒用減賊在官未久去任歸里

譚吉璵

嘉興府志字舟石嘉興人由內閣中書遷榆林同知會滇蜀用兵上官檄吉璵轉餉入蜀至寧羌州遇亂撫軍撤館還棧道絕吉璵間道從黑水峪七晝夜達藍屋康熙十四年二月定邊

副將朱龍反直逼波羅堡堡距榆不百里榆林道
高光社問計安出吉璉具畫利害狀光社是之入
闕帝廟聚士民誓神死守募壯士立忠義大會編
什伍明號令製幡幟畫牌而守吉璉間出私時以
享士而自宿城上晝夜調兵食衆賴以安四月綏
德周繼明聚衆數千入神木與叛將孫崇雅合攻
陷延安榆兵迎戰不利城中偶語藉藉多欲出降
光社夜呼吉璉曰事急矣鎮兵疲不足仗奈何吉
璉奮顧大呼曰死諱吉璉分也出諭士民曰忠臣
璉與高公為之豈責若輩死然所以死守者正為
若輩計耳賊一入城子女玉帛皆賊有且若輩今
日降明日大軍至無噍類矣衆泣且拜曰公言是
光社出千金吉璉益以數百金問道渡河買粟於
保德河曲以兵突圍衛之入人心始堅閏五月
王師至圍始解榆林既解嚴饗水清平鎮羅諸堡猶為
賊保聚吉璉單騎諭降之馳至神木檄崇雅繼明

曉以禍福崇雅繼明亦以衆降事乎上功加一級
久之調知登州遭疾卒吉聰好學工文章在榆修
延綏鎮志論者謂可
方康海武功志云

浙江通志卷一百七十一